



類函 七四



百五七
四禮儀

百五八
五禮儀

百五

加3
427
74



門 3
號
卷



新金圖書
此係明治八年八月廿八日
由田中君以贈
所購以贈
田中君以贈



淵鑑類函卷一百五十七

禮儀部四 藉田 親蠶

藉田一

增禮經考索曰王者以民為天民以食為天此耕藉之禮所不可廢也是禮也唐虞至詳夏商則罕見於經至於周人則其禮獨詳焉然周人之禮莫詳於詩莫備於禮記秦漢以來此禮雖講或者謂月令所載天子躬耕帝藉之事秦人之禮也魏晉承漢之後其他事多廢於古獨藉田一禮不敢廢墜焉良以國以農為重不有以親率之則無以教天下舍末而趨乎本歟六朝之際此

禮尤重隋唐因之未嘗闕典五代兵革臨難之餘泯沒
不載至宋朝以恭儉禮下以仁厚撫民立國之初未遑
他務而二聖相繼以藉田之禮為先務中興議和之後
禮樂文物具舉而藉田一事亦不敢緩豈不以此禮可
以通百祀而不可廢也耶 **原**說文曰帝藉千畝者使
民如借故謂之藉 毛詩曰載芟春藉田而祈社稷也
載芟載柞其耕澤澤千耦其耘徂隰徂畛侯主侯伯侯
亞侯旅侯疆侯以有賔其饁思媚其婦有依其士有略
其耜俶載南畝 周官曰上春詔王后帥六宮之人而
生種稷之種而獻之于王 又曰甸師掌帥其屬而耕

耨王藉以時入之以供粢盛 禮記曰孟春之月天子
乃以元日祈穀於上帝乃擇元辰天子親載耒耜帥三
公九卿諸侯大夫躬耕帝藉天子三推三公五推卿諸
侯九推反執爵於太寢命曰勞酒 又曰天子親耕於
南郊諸侯耕於東郊 又曰昔者天子為藉千畝冕而
朱紘躬秉耒諸侯為藉百畝冕而青紘躬秉耒以事天
地山川社稷先古以為醴酪粢盛於是乎取之敬之至
也 **禮**祭義曰耕藉所以教諸侯之養也 表記曰天
子親耕粢盛秬鬯以事上帝故諸侯勤以輔事於天子
注言無事而居位食祿是不義而富且貴 禮記外傳

曰藉者借也天子耕千畝但三推發表三岱而止借民力治之所耕之穀藏于神倉以供事天地宗廟神祇人鬼之用也天子以身先天下以建寅之日而郊郊而後耕郊用辛日而耕用亥日享先農而後藉田原五經要義曰天子藉田千畝孟冬啓蟄既郊之後率公卿大夫而親耕焉所以先百姓而致孝敬論衡曰立春東耕為土象人男女各二人秉耒把鉏或立土牛象人土牛未必能耕也順氣應時示帥下也國語曰宣王即位不藉千畝號文公諫曰夫民之大事在農上帝之棗盛於是乎出民之蕃庶於是乎生事之供給於是乎在

財用蕃殖於是乎始先時九日太史告稷曰陽氣俱蒸土膏其動即以告王王即御事王耕一發班三之庶人終乎千畝王不聽師敗於姜戎也賈逵注一發一耦之為耦一發廣尺也班次也三之謂公卿大夫也王之下各三其上三公三發卿大夫九發左傳桓十四年八月御廩災以奉黍盛之倉也又昭十八年邠人藉稻注其君自出藉稻蓋獲行之疏耕種于藉田公羊傳注天子親耕東田千畝諸侯百畝穀梁傳甸粟而納之三宮三宮米而藏之御廩疏諸侯夫三宮魯語日入監九御使潔奉禘郊之粢盛楚語王后必自舂其粢天子親舂禘郊之盛白虎通耕于東郊東方少陽農事始起

桑於西郊西方少陰女功所成故曾子問曰天子耕東田而三反之原漢書文帝二年春正月丁亥詔曰夫農天下之本其開藉田朕親率耕以給宗廟粢盛東觀漢記曰永平十三年二月耕藉田畢賜觀者食有一諸生前言善哉文王之遇太公也上書版曰生非太公子亦非文王漢舊儀春始東耕于藉田祠先農以一牢應劭漢官儀曰天子升壇公卿耕訖嗇夫下種藉田亦曰帝藉亦曰耕藉亦曰東耕亦曰親耕亦曰王藉又曰東耕之日親率公卿戴青幘載青車駕蒼馬公卿以下車駕如常法摺漢書文帝二年詔曰農者天

下之本也民所恃以生也而民或不務本而事末故生不遂朕憂其然故今茲親率羣臣農以勸之其賜天下民今年田租之半十二年詔曰道民之路在于務本朕躬率天下農十年于今詔書數下歲勸民種植而功未興是吏奉吾詔不勤而勸民不明也且吾農民甚苦而吏莫之省將何以勸焉其賜農民今年租稅之半十三年詔曰朕親率天下農耕以供粢盛皇后親桑以奉祭服其具禮儀又詔曰農天下之本務莫大焉今履身從事而有租稅之賦是本末者無以異也其於勸農之道未備其餘田之租稅昭帝始元元年春二月己亥上

耕於句盾弄田應劭曰帝時九歲未能躬耕藉田句盾官者近舍故姓試耕為戲弄也臣瓚曰西京故事弄田在未央宮中師古曰弄田謂游宴之田天子所戲弄耳非為昭帝年幼創有此名官表大司農屬官有藉田令丞通典宋志漢文帝初立藉田置令丞食貨志文帝即位躬脩儉節思安百姓時民近戰國背本趨末賈誼說上曰歐民歸之農皆著於本則蓄積足而民樂上感誼言始開藉田躬耕以勸百姓一禮志郊祀歌條理信義望禮五獄藉斂之時掩收嘉穀注謂收藉田也後漢書陳忠傳藉田之耕起於漢文又帝紀明帝永平四年春二月辛亥詔曰朕親耕藉田以祈農事比再得時兩宿麥潤澤其賜公卿半奉有司勉遵時

政務平刑罰十三年春帝耕於藉田禮畢賜觀者食章帝元和二年二月乙丑帝耕於定陶詔三老孝弟力田賜帛人一疋勉率農功禮儀志正月始耕晝漏上水初納執事告祠先農已享耕時有司請行事就耕位天子三公九卿諸侯百官以次耕力田種各耰訖有司告事畢是月令曰郡國守相皆勸民始耕如儀諸行出入皆鳴鐘皆作樂其有災眚宅故若請雨止雨皆不鳴鐘不作樂注春秋釋病曰漢家郡守行大夫禮鼎俎籩豆工歌縣何休曰漢家法陳師置守相故行其樂也黃瓊傳自順帝即位不行藉田之禮瓊上疏奏曰先王

禮儀志
周禮卷一百五十七
藉田

制典有日司徒咸戒司空除壇先時五日有協風之應
王即齊宮享醴載耒重之也書奏從之 輿服志芝車
上親耕所乘注東京賦曰農輿路路木賀循曰漢儀親
耕青衣幘 左太冲魏都賦藉田以禮動大闕以義舉
晉書禮志禮孟春之月天子躬耕帝藉漢文帝始行
斯禮魏之三祖亦皆親耕及武帝泰始四年詔曰古之
聖王躬耕帝藉以供郊廟之粢盛且以訓化天下近世
以來耕藉止於數步之中空有慕古之名曾無供祀訓
農之實而有百官車徒之費今脩千畝之制當與羣公
卿士躬親稼穡之艱難以帥先天下王者詳具其制下

河南處田地於東郊之南洛水之北於是乘輿御木路
以耕以太牢祀先農 又曰武帝末有司奏古諸侯耕
藉百畝躬執耒以奉社稷宗廟以勸率農功今諸侯臨
國宜依脩耕藉之義竟未施行 晉書帝紀武帝泰始
四年春正月丁亥帝耕於藉田戊子詔方今陽春養物
東作始興朕親率王公卿士耕藉千畝將以務本惠育
海內其大赦天下 又食貨志是時江南未平朝廷厲
精於稼穡泰始四年帝親耕藉田詔曰使四海之內競
務農功者惟郡縣長吏乎 又溫嶠傳明帝即位奏軍
國要務其五曰古者親耕藉田以供粢盛舊制藉田廩

犧之官今臨時市求非所以虔奉宗廟宜如舊制立此
二官 宋書禮志曰元嘉二十年太祖將親耕而其儀
久廢使何承天撰定儀注乃下詔曰國以民為本民以
食為大古者從時脈土以訓農工躬耕帝藉敬供粢盛
仰瞻前王思遵令典便可量處千畝考上元辰朕當親
率百辟致禮郊甸庶幾誠素光被斯民 又曰藉田皇
帝冠通天冠朱紘青介幘朝服青紗袞侍中陪乘奉車
郎秉轡 又曰車駕至藉田侍中跪奏尊降車臨壇大
司農跪奏先農已享請皇帝親耕太史令讚曰皇帝親
耕三推三反於是羣臣以次耕王公五等開國諸侯五

推五反公卿大夫七推士九推九反藉田命率其
屬耕竟畝灑種即耨 齊書禮志曰永明三年有司奏
來年正月二十五日丁亥可祀先農即日輿駕親耕宋
元嘉大明以來並用立春後亥日尚書令王儉以為亥
日藉田經紀無文太學博士劉蔓議禮孟春之月立春
迎春又於是月以元日祈穀又擇元辰躬耕帝藉盧植
說禮通辰日日甲至癸也辰子至亥也郊天陽也故以
日藉田陰也故以辰陰禮卑後必居其末亥者辰之末
故記稱元辰注曰吉亥又五行之說木生於亥亥日祭
先農又其義也何謹之議鄭注云元辰蓋郊後吉亥也

何佟之議丁亥自是祭祀之日不專施于先農漢文用
此日耕藉祀先農故後王相承用之顧罵之議昭帝癸
亥耕弄田明帝癸亥耕下邳章帝乙亥耕定陶又辛丑
耕懷魏之烈祖實書辛未不繫一辰 齊樂志漢章帝
元和元年元武司馬班固奏用商頌載芟祠先農晉傅
元作祀先農先蠶夕牲歌詩一篇八句迎送神一篇饗
社稷先農先聖先蠶歌詩三篇辭皆敘田農事胡道安
先農享神詩一篇樂府相傳舊歌三章永明四年藉田
詔江淹造藉田歌二章付太樂歌之羽鑿從動金駕時
遊率先丹耦躬遵綠疇瓊竿旣飾繡簋以陳方燮嘉種

永毓宵民 齊永明四年正月甲寅藉田禮畢幸闕武
掌勞酒小會賜帛有差 梁天監十三年二月丁亥以
啓蟄而耕十六年二月辛亥耕普通二年四月丙辰徙
藉田於東郊外十五里築兆域如南北郊別有望耕臺
在壇東親耕畢登此臺以觀公卿之推又有祈年殿四
年二月躬耕賜爵勞酒 梁五禮藉田儀注其田東去
宮八里遠十六里爲千畝天子耒耜一具公耒耜三具
卿侯耒耜九具立方壇以祀先農 隋書禮志曰北齊
藉于帝城東郊千畝作祠壇于阡東陌西又設御耕壇
于阡東陌北每歲正月上辛後吉亥使公卿以一太牢

祠先農氏于壇上祭訖親耕 隋制于國南十四里啓夏門外置地千畝為壇孟春吉亥祭先農于其上牲用一太牢皇帝備法駕三獻訖因耕司農授耒皇帝三推訖各以班九推五推而司徒帥其屬終千畝播植九穀納于神倉 隋禮志大同五年又築零壇於藉田兆內有祈禱則齋官寄藉田省云 會典貞觀二年春太宗親祭先農躬御耒耜藉于千畝之甸初晉氏南遷後魏來自雲朔中原分裂又雜以獯戎迨及周隋此禮久廢而今始行之觀者莫不駭躍於是秘書郎岑文本獻藉田頌以美之 儀鳳二年正月乙亥親耕藉田于東郊

禮畢作藉田賦以示羣臣三年五月幸藉田所觀區種手種數區 元宗欲重勸耕藉進耕五十餘步其儀備開元禮 開元十九年耕于興慶宮龍池親耕三百餘步 又開元二十二年正月上親耕于洛陽東門外諸儒奏議以為古者以一墾為推今用牛耕宜以一步為推上乃親藉太常告三推禮畢上曰朕憂人知勤勞俯同九推而止自是公卿以下皆過于古 開元二十三年正月親祀先農禮畢降至耕位侍中執耒太僕秉耒上謂左右曰帝藉之禮古則三推朕今九推庶九穀之報也 乾元二年正月戊寅有事于藉田上行九推禮

禮儀部

耕藉田

藉田

官奏太過曰朕勸農率下所恨不終千畝耳禮畢雪盈尺 憲宗元和五年詔以來歲正月藉田太常脩撰韋公肅言藉田禮廢久矣有司無可考乃據禮經參採開元乾元故事爲先農壇于藉田高五尺廣五丈四出陛其色青草具其儀以水旱用兵而止 禮樂志皇帝孟春吉亥享先農遂以耕藉前享一日奉禮設御座於壇東西向又設御耕藉位於外壇南門之外尚舍設御耒席皇帝已享乃以耕根車載耒耜於御者間皇帝乘車自行宮降大次乘黃令以耒耜授廩犧令皇帝出就耕位廩犧令解韜出耒司農卿進受之以授侍中奉以進

皇帝受之耕三推皇帝初耕執耒耜者皆以耒耜授侍耕者皇帝耕止三公諸王耕五推尚書卿九推皇帝還入大次太常卿率其屬耕于千畝皇帝還宮明日頒勞酒於太極殿如元會不賀不爲壽藉田之穀斂而鍾之神倉以擬棗盛及五齊三酒穰藁以食牲藉田祭先農唐初爲帝社亦曰藉田壇正觀三年太宗將親耕給事中孔穎達議曰禮天子藉田南郊諸侯東郊今帝社乃東壇未合於古太宗曰書稱平秩東作而青輅黛耜順春氣也五方位少陽田宜於東郊乃耕於東郊垂拱中武后改藉田壇曰先農壇高五尺周四十步者先農之壇神龍元年禮

部尚書祝欽明議曰周頌載芟春藉田而祈社稷禮天子為藉千畝諸侯百畝則緣田為社曰王社侯社今日先農先王社之義宜正名為帝社太常少卿韋叔夏博士張齊賢等奏經無先農禮曰王自為立社曰王社先儒以為在藉田也永徽中猶曰藉田垂拱後乃為先農與社一神今先農壇請改曰帝社壇以合古王社之義其祭準令以孟春吉亥祠后土以勾龍氏配於是為帝社壇又立帝稷壇於西如大社大稷而壇不設方色以異於大社開元十九年停帝稷祀神農氏於壇上配以后稷二十三年親祀神農於東郊配以勾芒遂躬耕盡

隴止肅宗乾元二年詔去耒耜雕刻命有司改造之曰田器樸素豈貴文飾天子出通化門釋軼而入壇遂祭神農氏以后稷配冕而朱紘躬九推焉 祭先農樂章三奏豐和之舞二變顯慶三年洗馬郭瑜撰 太宗遊金明池召田婦數十人於殿上賜席使坐問以民間疾苦田婦愚戇無所隱避賜帛遣之 太宗興於側微民事固無不知恐富貴而忘之也每臨朝無一日不言及稼穡 真宗乳母秦國夫人劉氏本農家也喜言農事真宗自幼聞之故為開封尹以善政著聞及踐大位咸平景德之治為有宋隆平之極景德農田敕至今稱為

精當 宋雍熙四年十一月禮儀使言御耒耜二具并
緇並飾以青準乾元故事其制如農人所執者不加雕
飾事畢內中尚收之載以耕根車明道二年藉田有司
求太宗所御耒耜準其制以造作而青綾緇依然如新
於是即用舊緇不復更造二月丁未肆赦首言太宗親
耕耒耜敕有司嚴秘密護以表崇奉之意 明道二年
正月大禮使以製成御耒耜青箱等奏御二月齋天安
殿翌日乘玉輅適耕所司農卿以耕根車載耒耜前行
十一日祀畢搢圭秉耒三推侍中前授耒耜于司農卿
卿授廩犧令令復耒於緇以授侍耕者 青箱舊無其

制用竹木為之無蓋兩頭設襟飾以青中分九隔隔設
一種覆以青帊 隋書藉田令以青箱種稔之種跪陳
司農詣耕所曬之唐不行此禮 雍熙四年九月辛巳
出御札曰王者上事穹蒼下臨黎獻遵執古御今之道
推子民育物之心必務稼穡以勸分庶家給而人足朕
嗣守大寶惟懷永圖發一言必念生民嘗一膳必思稼
穡雖燔柴告類紫壇屢薦於至誠而執耒親耕青輅未
行于盛禮其以來年正月擇日有事于東郊行藉田之
禮宜令所司詳定儀注以聞是禮廢之久矣制下之日
中外歡洽以宰臣李昉為大禮使陳王元僖為橋道頓

禮部 卷一百五十七 耕田
遞使翰林學士宋白為禮儀使賈黃中為鹵簿使御史中丞張宏為儀仗使仍命白黃中與蘇易簡詳定儀注按通典乘青輅推黛耜者所以順春氣其方位請在東郊又北齊作壇壇高九尺廣輪三十六尺四陛三壝四門唐制高五尺周回四十步飾以青今請于朝陽門七里之外十五里之內擇地為壇壇高九尺周壝四十步飾以青待詔設兩壝外壝在大次及御耕位觀耕臺樂縣之外禮儀使宋齊言舊禮于先農壇東立觀耕臺帝親耕禮畢登此臺以觀公卿推請築臺高五尺以便陟降周圍四十步四出陛飾以青皇帝乘玉輅以耕根車

載耒耜以青箱奉種耜之種從之五年正月癸酉上宿齋于乾元殿甲戌鸞駕出宮備大駕鹵簿於丹鳳門外帝服通天冠絳紗袍執圭乘玉輅次東郊是夜宿齋室乙亥未明三刻帝服袞冕執鎮圭親饗神農氏於壇上以后稷配焉禮畢次詣耕藉位行三推之禮有司版奏禮畢帝謂侍臣曰朕志在勸農恨不能終千畝豈止於三推為限乎遂耕數十步侍臣固請乃止又御觀耕臺南向坐觀王公耕訖侍臣奏禮畢解嚴還行宮百官稱賀上賦東郊藉田五七言詩各一首賜侍臣宴百官於大明殿行勞酒禮淳化元年禮官請先農壇各封五十

步爲兩壝壝各五十步 明道二年二月行藉田禮罷
冬至郊祀藉田所施一準郊例悉用端拱之制而加損
益焉貢舉人自請陪位許父老縱觀勿令呵止 仁宗
明道元年十二月詔以來歲仲春涓日行耕藉之禮命
有司草具儀尚書司封員外郎王舉正太常博士李淑
與禮官詳定儀注七日禮官請就端拱壇位因加脩飾
八日請改撰藉田樂章上之付太常習肄甲子有司新
製耒耜學士院撰青城諸門及殿名越明年二月丁未
行禮李淑等上耕藉類事五卷二月丙午上齋宿于東
郊日傍有黃氣如龍鳳丁未服袞冕執圭祀神農后稷

于壇乃就耕位播圭執耒行禮禮儀使張士遜奏三推
而止上曰朕旣親耕不以古禮爲式願耕之終畝以勸
天下之農士遜等固請遂耕十有二畦而止帝升觀耕
臺南面坐觀公侯等耕王公以下執耒悉過五九之數
藉田今奉種陸之種司農卿受而播之率屬以終千畝
帝受賀于受禧殿還御正陽門大赦天下進藉田青牛
四下芳林園養之十六日賜百官福酒有差辛亥上作
藉田詩賜近臣宋祁上頌曰丙午之旦次于帷宮淳濯
圭潔昧明乃頓大次欵嘉壇索先農以享之因太稷以
配之乃降靈場嚴朱紘紺轅儲駕洪縻序進遂推而進

之幾十墩而後釋乃始弭節容與御觀耕之臺王公羣
后班趨以耨邁五踰九大農灑種庶人終畝 學士院
撰享先農登歌樂章 其後景祐作觀稼殿皇祐作寶
岐殿 景祐元年司天監校土牛經書目一卷去其復
重釋牛色等四篇為農事之占命知制誥丁度序之頒
天下其牛色及執策者衣並以歲月支干納音相配
元豐二年十月癸卯詔於京城東南度田千畝為藉田
置令一員以辛公祐兼徙先農壇于其中神倉于東南
三年十月辛公祐請下有司定耕藉儀注增脩鑿麥殿
以備行幸先是五月九日王存等請以南郊鑿麥殿前

地及玉津園東南芟地并民田共一千百畝為藉田外
以百畝建先農壇兆開阡陌溝洫建神倉齋宮及耕作
人牛廬舍之類繪圖上之詔付禮院四年八月藉田司
言九穀皆稔請脩講觀麥視禾臨幸儀注 紹興十五
年十一月十七日詔以來歲之春祇被青壇親載黛耜
躬三推之禮以風示於四方從司封郎中李澗之請也
太常討論典故請營建於行宮之南車駕服履袍乘平
輦詣思文殿進膳畢服通天絳紗行親耕之禮耕藉鹵
簿儀仗依政和新儀用六百八十八人兵部太常以地
狹請止用其半奏可庚辰九日以宰臣檜為耕藉使十

六年禮官脩定親享先農親耕儀注上之壬辰皇帝袞冕親享先農行藉田禮推至七至九百官表賀詔曰朕親耕藉田以先黎三推復進勞賜耆老嘉與世俗躋于富厚先是上曰詔須語簡意足使民曉然知厚本之意時臨安守張澄設靈壇御耦幄殿次舍十五年司農簿宋樸請令守令以歲仲春出郊勞農遂為故事 親耕七曲出大次至歸大次並用乾安享先農宮架奏靜安之樂儲靈錫羨之舞三成 紹興十六年脩定儀注前期於觀耕壇上設御幄南向設御座于幄內皇帝升觀耕壇宮架樂作樂正升自午階登歌樂作禮畢耕藉使

升卯階立御幄前西向四方館使引陪耕耆老立壇下北向皇帝降座登歌樂作至壇下升輦 明會典洪武二年定皇帝祀先農畢太常卿奏請詣耕藉位皇帝至位南向立公侯以下及應從耕耆各就耕位戶部尚書北面進耒太常卿導引皇帝乘耒三推戶部尚書跪受耒太常卿奏請復位南面坐三公五推尚書九推各退就位太常卿奏禮畢太常卿導引皇帝還大次應天府尹及上元江寧兩縣令率庶人終畝是日宴勞百官者宿於壇所

藉田二

青嶺

青壇

華畢

結轅

青嶺

賦上見潘岳

青壇

華畢

賦見潘岳

爰賦曰衍參途之廣闢則道路之悠

千耦萬縷

遠增華畷之未驚渺同方其已反

農期儀晨祥而舉

藉田賦詔勾芒使掌曆分救義仲以農期儀晨祥而舉

如茲

徐爰賦隱千軫以風行閭萬響而霧

三推千畝

轉白日麗暴乎桑野大駕稅幸乎疆剛

致敬

藉也下戴耜秉耒

禮記乃擇元辰天子親載耒

躬耕藉田注元辰蓋郊

脩帝藉賦上見潘岳

後吉辰也下詳藉一

降靈壇

東京賦乘鸞輅而駕蒼龍介馭間以

脩帝藉賦上見潘岳

劉拓躬三推于天田脩帝藉之千畝

給宗廟事社

稷藉並詳

事社

原 饗醴 國語 王親饗醴 賈逵注

省功 又后稷省功太

民太師監之畢宰夫陳饗膳宰監之膳夫贊玉王

迎

春和 漢名臣奏黃瓊上言先農之禮

省風土 國語 贊

以省風土虞於藉 侯知敬 樂記 武王克殷耕藉

史

奉禮 見任豫

祠

牢 詳藉 戒農用 國語 命農夫 具田器 藉田賦 具

具田器 藉田賦 具

大史 順時 國語 周宣王不藉于畝 號文公諫曰 稷為

稷為

震發 農祥 正日 月 底 于 天 廟 土 乃 脈 發 稷 以 告 主 曰

其主曰

注農正田大夫主敷陳藉 司空除壇 籍先時五日

籍先時五日

禮而祭其神為農祈也

籍田

禮儀部

籍田

告有協風奎王既齊宮百官御事各即其野廬埽路

野廬埽路

藉田賦

百官御事

國語賈逵注御治也

庶民畢從

國語置耒

軾上

晉輿服志金根車天子親耕

耕田宮中

漢昭紀

發趾千畝

見繆襲許昌宮賦

帥先萬國

見繆

親祭之義

志尚書符

問藉田至尊應親祀先農否

禮王者祭四望則羸冕祭社

不為無親祭之義也勸農之道

稷五祀則締冕以此

勸農之道

之典缺矣勸農之道

勸農之道

矣公卿祀先農

隋書禮志詳藉一

司農掌公田

曹植藉田賦營疇萬

被園司農實掌是謂公田

名果

敦孝致敬

勤已勸人

後稷播殖

夏禹躬耕

脩六府穀為之本

陳八

政食以為先

將率三推誠本農于后稷

不藉千畝

不藉千畝

豈貽諫於虢公

既種既稼將耒耜以率先

不躬不

親豈柔盛之致信

周宣惰千畝之禮虢公納諫

文缺三推之義賈生置言

祥正而青旗肅事土

膏而朱紘戒典

杏花苜蓿耕獲不愆清畛冷風述

遵無廢

阡陌繡錯

原隰龍鱗

蒸膏冒櫛協風

回春

謹察天廟

申敷陽官

擁耒成林醜流降

雨陽春如膏

原隰如鱗

民一于耜

家萬斯箱

捐夔橘以護野

雜荆牟以守燎

在豐念置

在

在

在

在

飫思饑

稊出椒掖

器成大農

瞻榆束耒望杏

開田

望朱紘之光

聽鸞輅之音

史奉載耜之禮

民奏舉趾之歌 千軫風行 萬轡霧轉 順動而
取諸豫 時行而應乎乾 我疆我理 必躬必親
祥風發於耒耜 瑞雪掩于郊廛 農祥晨晰 土膏
初起 春原俶載 青壇致祀 斂蹕長阡 回旌外
壇 景集天廟 脈瓊祥農 青壇岳立 翠幙煙平
百司駿奔 三公肅事 紺轅黛耜 綠耦朱紘
藉千畝 勸九農 載御耦于介間 脈陽膏於廛左
借民之力時闢于甫田 為神之倉歲儲于馨稷
服黛耜以天臨 紆朱紘而身勸 本宜一墾 遂過
九推以上俱見玉海

藉田四

原詩 宋顏延之侍東耕詩曰堤封經地域辰角麗天節
浮藹起青壇沈腴發紺耦草服薦同穗黃冠獻嘉壽
謝莊侍東耕詩曰肅鑣奉晨發恭帶厠朝聞仙鄉降朱
藹神郊起青雲陰臺承寒綵陽樹迎初薰觀德欣臨藉
瞻道樂遊汾 梁武帝藉田詩曰寅賓始出日律中方
星鳥千畝土膏紫萬頃陂色縹嚴駕佇霞昕浥露逗光
曉啓行天猶暗伐鼓地未悄蒼龍發蟠蜿青旂引窈窕
仁化洽孩蟲德令禁胎夭耕藉乘月映遺滯指秋杪年
豐廉讓多歲薄禮節少公卿秉耒耜庶甿荷鋤耰一人

觀寶著遐篇豈如春路動祈穀重民天蒼龍引玉軼交
旗影曲旃皮軒承早日豹尾拂游煙地廣重畦淨林芳
翠幕懸青壇出長畎惟宮繞直阡秉耒光帝則報獻重
皇虔度諧金石奏德厚歌頌詮三春潤莫莢七月待鳴
蟬鯨魚顯嘉瑞銅雀應豐年不勞鄭國雨無榮鄴令田
是知躬稼美兼聞富教宣 陳張正見從藉田應衡陽
王教作詩曰帝京惟赤縣神居應紫微塗山萬國仰滄
海百川歸東郊事平秩仲月祀靈威含光開早扇閭闔
啓朝扉 洛城鐘漏息靈臺雲霧卷森森虎戟前藹藹

鑾旂轉屬車遊絳闕風鳥度丹巘帳殿幸金輿旌門擁
玉輦 玉輦帶飛煙金輿映綠川雨師清遠路風伯靜
遙天分渠通沃野激水入公田草發青壇外花飛蒼玉
前 蒼玉臨珪璧青壇躬帝藉冒櫛乃三推齊衡均百
辟蘭場儼芝駕桂圃芳瑤席山禽韻管絃野獸和鐘石
鐘石旣相和江海復無波梁客簪裾盛陳王文雅多
脩塗參弱駘喬木間輕蘿幸承濫吹末擊壤自為歌
原賦魏繆襲許昌宮賦曰大和六年春上旣躬耕帝藉
發趾于千畝以帥先萬國乃命羣牧守相述職班教順
陽宣化是歲甘露降方內豐穰穆乎有太平之風敕羲

仲以農期儀晨祥而舉趾 晉潘岳藉田賦曰伊晉之
四年正月皇帝親率羣后藉于千畝之甸禮也於是乃
使甸師清畿野廬埽路封人墳宮掌舍設柷青壇蔚其
嶽立翠幕黝以雲布結崇基之靈趾啓四塗之廣阡沃
野墳腴膏壤平砥清洛濁渠引流激水遐阡繩直邇陌
如矢慈糖服於縹輓紺轅綴於黛耜儼儲駕於塵左俟
萬乘之躬履百僚先置位以職分自上下下具惟命臣
襲春服之萋萋接遊車之麟麟微風生於輕幃纖埃起
乎朱輪森奉璋以階列望皇軒而肅震若湛露之晞朝
陽似衆星之拱北辰於是前驅魚麗屬車鱗萃閭闔洞

啓參途方駟常伯陪乘太僕秉轡后妃獻種種之種司
農撰播植之器挈壺掌升降之節宮正設門閭之蹕天
子乃御玉輦陰華蓋衝牙錚鎗綃紉綵縹表朱元於離
坎飛青縞於震兌中黃擘以發暉方綵紛其繁會震震
填填以幸乎藉田蟬冕頰以灼灼碧色肅其芊芊似夜
光之剖荆璞若松柏之依山巔於是我皇乃降靈壇撫
御耦游場染履洪縻在手三推而舍庶人終畝貴賤以
班或五或九躡踵側肩倚裳連袂黃塵爲之四合陽光
爲之潛翳動容發音而觀者莫不怵舞乎康衢謳吟乎
聖世有邑老田父進而稱曰蓋損益隨時理有常然高

以下爲基民以食爲天九土之宜弗任四民之務不一
展三時之弘務致倉廩於盈溢固堯湯之用心而存救
之要術若乃廟祧有事祝宗諏日黍稷馨香旨酒嘉粟
古人有言曰昔者明王以孝治天下其或繼之者希矣
逮我皇晉實光斯道儀型乎於萬國愛敬盡于祖考敢
作頌曰思樂甸畿薄采其茅大君戾止言藉其農其農
三推萬方以祇耨我公田實及我私我簋斯盛我簠斯
齊我倉如陵我庾如坻念茲在茲永言孝思人力普存
祝史正辭神祇攸歆逸豫無期一人有慶兆民賴之
宋任豫藉田賦曰瞻望圭景咫尺山川緬彼帝藉百有

餘年映至德于盛位儷列晷于微辰紆汾陽以昧旦信
堯心而禹勤史奉載耜之禮民奏舉趾之歌膏壤千畝
與式旣同區勢平易畎陌脩通提攜丘澤眺嶺面松
陳江總勞酒賦曰在陽春之仲序覽具物之芳菲帥公
卿而播百穀親耒耜而命三推開青壇于迥甸列翠幕
於清沂乃遵執爵之典爰降食苹之讌露朱鳥之高臆
啓黃龍之抗殿奏帝鴻之萬舞動鈞天之九變顧曲私
之享育遞寒暑而徂遷謬陳力而策駘豈酬恩於暮年
原頌唐岑文本藉田頌曰正位恭已體元得一望之如
雲就之如日郊廟致敬山川咸秩教先大道學敦儒術

憲章載記殷鑒周宣迴輿南畝駐蹕東廛親耕帝藉躬稼大田方期多稼介此豐年富實教資農惟政本上敦播植下勤蔗菘榮辱既著淳樸可反禮節既興登封何遠式敷帝典載穆王度元良育德維城作固股肱周召爪牙信布比漢之兆方周之祚

原文齊謝朓為隨王祭東耕文曰穀躔星景穡表蜡先八政奚首六府茲宣弊嗟非國登頌有年一夫或怠望歲誰天 梁元帝祭東耕文曰三農九穀為政所先萬箱億庾是曰民天繫稱斲耜書美厥田花開杏樹凍解新泉當使黍稷莫莫民翳胥樂甘雨祁祁遂及我私我

私之款表裏禔福禔福中田歲取十千是蔗是菘登頌有年

原啓梁元帝慶東耕啓曰伏惟陛下敬授民時造幄藉圃漢之元鳳未足捧羈晉之太始非堪扶穀但承明侍從即事末由周南留滯伏深戀仰

原論魏曹植藉田論曰春耕于藉田郎中令侍寡人焉顧而謂之曰昔者神農氏始嘗萬草教民種植今寡人之興此田將欲以擬乎治國非徒娛耳目而已也夫營疇萬畝厥田上下經以大陌帶以橫阡此亦寡人之封疆也日殄沒而歸館晨未昕而即野此亦寡人之先下

也菽藿特疇禾黍異田此亦寡人之政理也及其息沸
涌庇重陰懷有虞撫素琴此亦寡人之所習樂也蘭蕙
荃蘅植之近疇此亦寡人之所親賢也藜蓬臭蔚棄之
遠疆此亦寡人之所遠佞也若年豐歲登果茂菜滋則
臣僕小人咸取驗焉 又曰封人有能以輕鑿脩鉤去
樹之蝎者樹得以繁茂中舍人曰不識治天下者亦有
蝎乎寡人告之曰昔三苗共工鯀驩兜非堯之蝎與問
曰諸侯之國亦有蝎乎寡人告之曰齊之諸田晉之六
卿魯之三桓非諸侯之蝎與然三國無輕鑿脩鉤之任
終于齊篡魯弱晉國以分不亦痛乎曰不識為君子者

亦有蝎乎寡人告之曰固有之也富而慢貴而驕殘仁
賊義甘財悅色亦君子之蝎乎天子勤耘以收一國大
夫勤耘以收世祿君子勤耘以顯令德夫農者始於種
終於穫澤旣時矣苗旣美矣棄而不耘則故為荒疇益
豐年者期於必收譬脩道亦期於沒身也

禮疏漢黃瓊行藉田禮疏曰自古聖帝哲王莫不敬恭
明祀增致福祥故必躬郊廟之禮親藉田之勤以先羣
萌率勤農功昔周宣不藉千畝號文公以為大譏卒有
姜戎之難終損中興之名竊見陛下遵稽古之鴻業體
虔肅以應天順時奉元懷柔百神朝夕觸塵埃於道路

書暮聆庶政以恤人雖詩詠成湯之不急遑書美文王之不暇食誠不能加今廟祀適闕而祈穀潔齋之事近在明日臣恐左右之心不欲屢動聖躬以為親耕之禮可得而廢臣聞先王制典藉田有日司徒咸戒司空除壇先時五日有協風之應王即齋宮饗醴載耒誠重之也自癸巳以來仍西北風甘澤不集寒涼尚結迎春東郊既不躬親先農之禮所宜自勉以逆和氣以致時風易曰君子自強不息斯其道也

親蠶一

增書禹貢兗州厥貢漆絲 詩蠶月條桑 原周禮內

率中春詔后帥外內命婦始蠶于北郊以為祭服歲終

稽其功事 注蠶于此郊婦人以純陰為尊郊必有公桑蠶室焉疏按月令三月后妃親東鄉躬桑此

云二 佐后而受獻功者比其小大與其粗良而賞罰之

大宰九職嬪婦化治絲枲 典絲掌絲入而辯其

物 內司服掌王后之六服禕衣揄狄闕狄鞠衣展衣

緣衣素沙 注鞠衣黃桑服也色如鞠塵象桑葉始生 月令季春之月天子乃

薦鞠衣於先帝 注為將桑求福祥之祚也先帝太皞之屬 巾車翟車貝面

組纒有握 注后所乘以出桑 記月令季春鳴鳩拂其羽戴勝

降于桑 注蠶將生之候 具曲植籩筐后妃齋戒親東鄉躬桑禁

婦女毋觀省婦使以勸蠶事蠶事既登分繭稱絲效功

禮儀部 尚書禮部卷一百五十七 親蠶

以供郊廟之服母有敢惰注后妃親採桑示帥先天下也夏小正曰妾子始蠶執養
原孟夏之月蠶事畢后妃獻繭乃收繭稅以桑為
均貴賤長幼如一以給郊廟之服注內命婦獻繭于后妃收繭稅者收于外
命季夏之月命婦官染采黼黻文章必以法
祭統皇后蠶于北郊以共純服夫人蠶于北郊以供冕
服王后夫人非莫蠶也身致其誠信也
禮玉藻惟世
婦命于奠繭注世婦以下蠶事畢獻繭乃命之疏謂世
婦及命婦入助蠶畢獻繭也
原祭義古者天子諸侯
必有公桑蠶室近川而為之築宮仞有三尺棘牆而外
閉之及太昕之朝季春朝君皮弁素幘卜三宮夫人世

婦之吉者使入蠶於蠶室奉種浴于川桑于公桑風戾
以食之風戾之使露氣燥乃以食蠶歲既單矣三月月世婦卒蠶奉
繭以示君遂獻繭于夫人夫人曰此所以為君服與遂
剖禕而受之因少牢以禮之古之獻繭者其率用此歟
及良日夫人繅三盆手遂布于三宮夫人世婦之吉者
使繅遂朱綠之元黃之以為黼黻文章君服以祀先王
先公敬之至也
禮魯語王后親織元統公侯夫人加
以絃經社而賦事烝而獻功 公羊注后夫人親西郊
采桑以供祭服 穆天子傳甲寅天子作居范宮以觀
桑者乃飲于桑中命桑虞出桑者禁暴民
原列女傳

曰宿瘤齊東郭采桑之女也閔王娶為后

禮馬質

注天文辰為馬引蠶為龍精月值大火則浴其種是蠶與馬同氣故此亦中春始蠶亦謂浴種 夏官禁原蠶

者注再蠶也蠶與桑同生三月故春蠶宜養夏蠶有禁劉安曰原蠶一歲再養非不利也王者禁之為其殘桑

也 **原**五禮先蠶儀注曰親蠶前二日太祝令質明以

太牢祀先蠶 皇后親蠶儀注曰皇后躬桑始將一條

執筐受桑 周遷古今輿服雜事曰蠶始生后食之三

灑而止 **禮**蠶經曰黃帝元妃西陵氏始蠶蓋黃帝制

作衣裳因此始也 後漢書禮儀志漢永平二年三月

皇后帥公卿諸侯夫人蠶祠先蠶禮以少牢注丁孚漢

儀曰皇后出乘鸞輅青羽蓋駕駟馬龍旂九旒大將軍

妻參乘太僕妻御前鸞旗車皮軒闔戟雒陽令奉引亦

千乘萬騎車府令設鹵簿公卿五營校尉司隸校尉河

南尹妻皆乘其官車帶夫本官綬從其官屬導從皇后

置虎賁羽林騎戎頭黃門鼓吹五帝車女騎夾轂執法

御史在前後亦有金鉦黃鉞五將導桑于蠶宮手三盆

于繭館畢還宮月令曰禁婦女無觀按谷永對四月壬

子皇后蠶桑之日也則漢桑亦用四月漢舊儀曰春桑

生皇后親桑于苑中蠶室養蠶千簿以上祠以中牢羊

豕羣臣妾從桑還獻于繭觀皆賜從桑者樂皇后自行
凡蠶絲絮織室以作祭服祭服者冕服也天地宗廟羣
臣五時之服其皇帝得以作縷縫衣得以作巾絮而已
置蠶官令丞諸天下官皆詣蠶室亦婦人從事故舊有
東西織室作法 漢制皇后蠶服青上縹下貴人助蠶
服純縹皇后以蠶衣為朝服 宋志漢東郊非古也魏
北郊依周禮也晉西郊與藉田對其方也 **原**董巴與
服志曰漢皇后桑于東郊苑中 又曰太皇太后入廟
服紺上皂下蠶青上縹下簪以玳瑁長一尺端為華勝
上為鳳凰 漢書曰孝元王皇后為太后幸繭館率皇

后及列侯夫人桑遵霸水而被除 後漢書皇后紀明

德馬皇后置織室蠶于濯龍中數往觀視 **增**隋書禮

志吳韋昭製西蠶頌則孫氏亦有其禮 晉書武帝紀

太康九年皇后親蠶于西郊賜帛各有差 **原**晉書禮

志漢儀皇后親桑東郊苑中蠶室祭蠶神曰苑窳婦人

寓氏公主祠用少牢詔侍中成祭草定其儀取列侯妻

六人為蠶母蠶將生擇吉日后著十二筭步搖衣青衣

乘油畫雲母安車駕六驄馬女尚書陪乘載筐鉤外命

婦皆步搖衣青各載筐鉤先桑二日蠶室生蠶著薄上

桑日太祝令以一太牢告祠皇后至西郊東面躬桑採

三條諸妃公主五條縣鄉君以下九條以桑授蠶母
皇后採桑壇在蠶宮西南 **增**南史宋大明三年立蠶
宮于西郊四年徵晉氏立蠶觀 又大明四年皇后率
六宮躬桑于西郊皇太后觀禮詔曰卜祥大昕測辰拂
羽爰詔六宮親蠶川室皇太后降鑾從御佇蹕觀禮綠
籩既具元統方脩儀發椒闈化動中縣 北齊為蠶坊
蠶宮 隋書禮志周禮王后蠶于北郊漢法于東郊魏
遵周禮于北郊晉太康六年于西郊依漢故事宋大明
四年始于臺城西白石里為西蠶設兆域置大殿七間
又立蠶觀 後周制后乘翠輅至蠶所奠先蠶西陵氏

神

自齊及隋多
依晉儀損益

唐志皇后季春吉已享先蠶遂以親

桑散齋三日于後殿致齋一日于正寢一日于正殿致
齋之日尚服率司仗布侍衛司賓引內命婦陪位六尚
以下各服其服詣後殿奉迎皇后服鈿釵禮衣結佩乘
輿出自西房華蓋警蹕降就齋室散齋散齋之日內侍
率內命婦之吉者使蠶于蠶室前享二日大樂令設宮
縣之樂於壇南內壝之內女工各位於縣後右校為採
桑壇於壇南二十步所方三丈高五尺四出陛尚舍量
施帷障于外壝之外設御位于壇之東南西向又設御
採桑位于壇上東向享日司設升設先蠶氏神座于壇

上其日六尚以下詣室奉迎尚服負寶內僕進厭翟車
皇后服鞠衣乘輿以出華蓋侍衛警蹕皇后升車尚功
奉鈎司製進筐載之內命婦及六尚等乘車從駕至大
次門外請降車皇后停大次半刻頃出次入自東門至
版位樂三成受幣跪奠於神座已奠乃奉毛血跪奠于
神座前皇后復位復升自壇酌醴齊進先蠶氏神座前
奠爵尚儀讀祝文皇后再拜飲福受胙復位尚功曰禮
畢引詣採桑壇尚功奉金鈎採桑三條止內外命婦以
次采一品採五條二品採九條止司賓引至蠶室尚功
以桑授蠶毋蠶毋切之以授婕妤食蠶洒一簿止車駕

還宮之明日內外命婦設會于正殿如元會之儀命曰
勞酒 肅宗張后傳親蠶苑中羣命婦相禮儀物甚盛
百官志掖庭局公桑養蠶會其課業 會要永徽三
年制以先蠶為中祠后不祭則皇帝遣有司享之如先
農 祭先蠶樂章二奏永和之舞顯慶三年洗馬郭瑜
撰 先天二年皇后親祠先蠶自嗣聖以來禮廢至是
重行 開元十五年上命宮中育蠶丁酉夏至賜貴近
絲人一緘 明皇以六宮親蠶絲賜近臣崔沔獻御絲
賦 通典北齊先蠶壇高五尺方二丈四陛陛各五尺
皇后蠶壇高四尺方二丈四出陛廣八尺隋置壇于宮

北三里高四尺唐在長安宮北苑中高四尺周回三十步至道元年馮翊民李元真獻養蠶經一卷上觀之以不忘本業留書禁中賜錢萬崇文日南王蠶經三卷孫氏蠶書二卷景德三年王欽若言竊以九年之儲以穀帛為本萬民之業以農桑為先故千畝之祀王者所以勸耕民吉已之祠王后所以率蠶婦稽徃古之制皆合親行從後世之宜亦當攝祭伏見開寶通禮郊祀錄並有親蠶祝祠蓋由中宮未嘗親祭是以禮司缺而不舉義纂云后親享貴妃亞獻昭儀終獻攝事則尚宮初獻尚儀亞獻尚食終獻臣謂屬之命婦不若歸於

有司按周禮大宗伯后不祭則攝而薦徹王后之事而宗伯得攝之農桑衣食萬人不宜獨缺先蠶之祭皇帝遣有司享之如先農可也詔禮官詳考攝祭故事以聞乃請於東郊擇地設壇取漢制以春桑生之義壇高五尺方二丈四出陛陸廣五尺一壝祀禮如中祠遣大常光祿卿奉祀祝辭以先農為進奏可元豐四年詳定禮文所言唐月令注以先蠶為天駟按先蠶之義與先農先牧先炊一也開元禮享先蠶為瘞均於壇之壬地禮儀羅曰無燔柴之儀王涇郊祀錄載祝文曰惟神肇興蠶織則是始蠶之人明矣今壇在東郊熙寧祀儀又有

自御墳窟和之以娛嘉賓還幸南頓勞享三老官屬
十五年東巡狩幸孔子宅祠仲尼及七十二弟子親御
講堂命皇太子諸王說經 章帝建初七年西巡狩每
所到幸輒會郡縣吏人勞賜作樂十一月詔勞賜河東
守令掾以下 元和元年南巡狩詔所經道上郡縣無
得設儲峙命司空自將徒支柱橋梁有遣使奉迎探知
起居二千石當坐其賜鰥寡孤獨不能自存者粟人五
斛十一月還宮賜從者各有差 **原**二年二月東巡狩
使使者祠唐堯於成陽靈臺 注成陽縣東南
有堯母祠墓 辛未幸泰
山柴告岱宗有黃鵠三十從西南來翱翔升降進幸奉

高宗祀五帝於汶上明堂 **曹**三年正月北巡狩告常
山魏郡清河鉅鹿平原東平郡太守相曰朕惟巡狩之
制以宣聲教考同遐邇解釋結冤也今四國無政不用
其良駕言出遊欲親知其劇易前祀園陵遂望祀華霍
東柴岱宗為人祈福今將禮常山遂徂北土歷魏郡經
平原升踐隄防詢訪耆老咸曰往者汴門未作深者成
淵淺則泥塗追維先帝勤人之德底績遠圖復禹弘業
聖迹滂流至于海表不克堂構朕甚慚焉月令孟春善
相丘陵土地所宜今肥田尚多未有墾闢其悉以賦貧
民給與糧種務盡地力勿令游手所過縣邑聽半入今

年田租以勸農民之勞乙丑敕侍御史司空曰方春所過毋得有所伐殺車可以引避引避之馱馬可輟解輟解之詩云敦彼行葦牛羊勿踐履禮人君伐一草木不時謂之不孝俗知順人莫知順天其明稱朕意 和帝永和十五年南巡狩賜所過二千石長吏以下三老官屬及民百年者錢布各有差幸章陵祠舊宅 魏明帝凡三東巡狩所過存問高年恤疾苦或賜穀帛 宋書禮志曰古者天子巡狩之禮布在方冊至秦漢巡幸或以厭望氣之祥或以希神仙之應煩擾之役多非舊典惟漢諸帝頗有古體焉魏文帝值三分初創方隅事多

皇興丞勳略無寧歲蓋應時之務又非舊章也明帝東巡所過存問高年恤人疾苦或賜穀布有古巡幸之風焉 宋文帝元嘉四年東巡狩至于丹徒告觀園陵享會父老舊勳于行宮加賜衣裳幣帛蠲租原刑戰亡之家單孤並隨宜隱卹二十六年東巡幸至京城并謁二陵會舊京故老萬人勞享賚發赦蠲徭役 後魏文成帝和平元年東巡狩曆嶠山祀黃帝遼西遙祀醫無閭山遂緣海幸冀州北至中山過恒嶽禮其神而反明年南巡過石門遣使者用玉璧牲牢禮常嶽 擊虞新禮儀曰魏氏無巡狩故事新禮則巡狩方岳柴望告至

設壇諸侯之覲者乃贊皆如儀而不建旗臣虞謹按覲
禮天子各建其旗旗章所以殊爵命視等威也詩稱君
子至止言觀其旗宜定新禮建旗如舊 隋煬帝大
業元年詔曰聽採輿頌謀及庶民故能審刑政之得失
今將巡歷淮海觀省風俗 唐太宗貞觀元年三月幸
九成宮冬幸洛陽 十二年幸河北觀底柱因令勒銘
于上以陳盛德 開元禮皇帝巡狩儀將巡狩所司承
制先頒告于東方諸州曰皇帝二月東巡狩各修平乃
守考乃職事無敢不敬戒國有大刑駕將發告圓丘宗
廟社稷皆如別儀皇帝出宮大備鹵簿皆如常儀載於

國門祭所過山川如親征之禮所經州縣刺史縣令先
待于境通事舍人承制問百年古先帝王名臣烈士皆
州縣致祭燔柴告至將告將作先於太山下脩園壇四
出陛前告三日尚舍直長施大次於外壇東門之內設
宮懸樂燎壇之制前一日皇帝清齋于行宮應告之官
皆于告所清齋一日近侍之官應後升者及從告羣官
諸方客使皆于其所俱清齋一宿諸衛令其屬晡後一
刻各以其方器服守衛壇門盟太樂工人俱清齋一宿
奉禮設御位于壇之東南西向設告官司徒執事者御
史奉禮贊者協律郎太樂令望燎位東方諸州刺史縣

令介公鄜公文武九品以上官西方北方蕃客等位並如上幸圓丘儀設告官以下門外位於東西壇門之外道南皆如設次之式郊社令帥府史一人及齋郎以罇坩壘洗筐幕入設于位並如上儀執罇壘筐幕者各位于罇壘筐幕之後告日未明十五刻太官令帥宰人烹牲于厨未明四刻太史令郊社令各服其服升設昊天上帝神座于壇上北方南向席以稟秸設高祖神堯皇帝神座于東方西向席以莞設神位各于座首未明三刻諸告官以下各服其服郊社令良醞令各帥其屬入實罇壘及玉太祝以玉帛置于筐太宮令帥進饌者實

諸籩豆簠簋等皆設于饌幔內未明三刻奉禮帥贊者先入就位贊引引御史太祝以下入行埽除如常儀訖各就位皇帝服衮冕乘輅行宮奏請進發內外器服如常儀駕將至謁者贊引各引告官通事舍人引從告羣官東方刺史縣令諸方客使俱就門外位駕至大次門外回輅南向初皇帝既升奠玉幣太官令帥進饌者諸太祝迎引於壇上各設于神座前設訖謁者引司徒以下降自東陛復位諸太祝各還罇所太常卿引皇帝詣壘洗樂止訖興皇帝再拜初讀祝文訖樂作太祝進奠板於神座還罇所皇帝拜訖樂止太常卿引皇帝進天

洪金英卷之二十一
帝座前北向立樂作太祝各以爵酌福酒謁者引司徒
降復位太祝各進徹豆還罇所奉禮曰賜胙鑾駕還行
宮皇帝既還大次侍中版奏請解嚴皇帝改服通天冠
絳紗袍乘輅奏請還宮如常儀 宋太祖皇帝建隆初
平潞楊二叛開寶二年至太原皆以師行供頓從儉約
故不備巡幸之儀 景德四年幸西京朝諸侯命知雜
御史王濟等籍所過父老及繫囚逋負官物人仍察民
間疾苦每日引逋欠人及禁囚等對于行在多蠲免原
釋父老賜茶帛綾袍其貢香藥名馬召對撫慰賜之金
帛大中祥符元年詔許羣臣請封禪令太山路葺行宮

不得侵民戶田苗及人馬損踐苗稼有司言準禮巡狩
有燔柴告至皇帝親行事即不載有司攝事之文車駕
至太山合行告至望令太尉以酒脯幣帛于山下壇告
至奏可又詔給事中張乘等管勾所經州縣父老詣行
在者送門引對賜以酒食州縣見禁囚具所犯以聞又
詔以御史中丞王嗣宗攝御史大夫為考制度使左正
言知制誥周起攝中丞為副使所經州縣採訪民間不
便事并市物之價車服權衡度量不如法則者舉儀制
禁之有奇才異行隱淪不仕者與所屬長吏詢求論薦
鰥寡惇獨不能自存者重加賑恤官吏政迹尤異民受

其惠及不守廉隅昧于政理者孝子順孫義夫節婦為鄉里所稱者並條析以聞官吏知民間利病者亦為錄奏有司言澶州城門卑下不容大輦請徹門而出上慮煩勞不許詔由城外而過他所皆然又詔扈從人宿頓無所得壞民舍什物樹木違者重寘其罪為朝觀壇于奉高宮之南方九丈六尺高九尺四出陞其南兩陛設禱仗宮懸于壇中書門下文武百官皇親諸軍將校四方朝貢使舉人蕃客父老僧道皆在列設襲文宣公位於文官三品之下鄰州長史悉集上服袞御壽昌幄殿受朝賀大赦天下遂幸兗州賜從官待制以上宗室將

軍辟寒九紫花葇綿細窄袍三畢設祀汾陰悉知東封之制八月有司言祠宇之旁難行觀禮望俟至河中府朝觀經度制置使陳堯叟等言寶鼎行宮之前可以設壇詔如堯叟等言 明永樂六年定制一詔告天下諸司及各處鎮守總兵官知會一禮部預行各處凡有重事并四夷來朝俱遵行在所仍具本啓聞其餘事務啓奏俱達京師啓聞施行事有疑礙者在京合該衙門具奏取自上裁凡進拜表箋表文達行在所箋文達京師一禮部預行經過所在軍民衙門俟車駕至官吏生員耆老朝見及預行北京畿內文武衙門令掌印官俟車

駕至朝見一祭祀車駕將發奏告天地社稷太廟孝陵祭大江旗纛等神輶祭于天門其經過處所滁州遣官祭滁陽王泗州遣官祭祖陵鳳陽祭皇陵祭淮關里遣官祭先師孔子望祭太山緣途古先聖賢忠臣烈士祠墳禮部預期奏聞遣官致祭將至北京境上設壇祭北京山川等神車駕至北京奏告天地祭告境內山川等神一扈從在京馬步軍五萬人一車駕至北京宴文武羣臣耆老賜官員人等及命婦鈔其嘗守城命婦論次行賞一恭遇萬壽聖節公侯駙馬伯文武四品以上近侍官及監察御史預宴五品以下辦事官監生秀才吏

典軍民工匠人等依例賜鈔一錠一扈從官員有牙牌者隨身懸帶以憑關防出入一經過郡縣分遣廷臣考覈守令賢否即加黜陟分令給事中監察御史存問高年賜幣帛酒肉一經過鳳陽陵戶及親戚人賜鈔六錠耆老迎見者人鈔三錠泗州陵戶親戚耆老迎見者賞如之

巡狩二

原省方

述職俱詳

觀風

展義詳巡

布德

設

教詳巡

考職

賦政上詳巡

神爰北巡

張衡巡狩

帝將狩

授務

禮儀部

陳詩

觀禮上詳巡

于岱嶽乙酉

觀禮于魯而

休齊焉

風行 雨施 允天詳巡 崔駰南巡 惟休蒸之鴻德
庶天動 神行 動崔駰東巡 頌三雲行 博惠淑雨施于
清廟謚爾無虞垂 四維 五載 俱詳 祀四嶽 柴
三辰 見馬融東巡 巡東作 秩西成 崔駰北巡
觀神農將省陽穀相天功 巡東作 西 因斯萬物凝德
既登上將省餘平秩西成 巡于西 郊 因斯萬物凝德
緩俗昔秋豫 審銓衡 同律度 巡 並詳 祀五帝 裡
六宗 上詳 馬融 頌 備天官 運法駕 頌 見班固 東巡
頌 脩五禮 問百年 並詳 宣聲教 撫黎元 後漢
章帝巡幸詔見 巡 宋孝武 巡幸賑恤 詔夫足踐 目
見實尊天命 俗未同 其他幽 隱不得 其所以 降省 風
俗躬撫 同遐邇 察風俗 巡上詳 省風俗 詔朕奄一天

下當沿時省方觀察風俗外
詳考舊典以副側席之懷也
則行注五年五皆吉則
商諸侯諸侯膳 乘龍 膳犢 龍 展帝功 乘六
以擯貴誠也 卜征 示禮 注左傳曰 先王卜征 五年
也征巡狩也 成有岐陽之蒐 習禮 展功 又曰諸
穆有岐山之會 習示諸侯禮也 習禮 展功 又曰諸
王有巡狩以大會 習示諸侯禮也 習禮 展功 又曰諸
習朝會之禮 下詳乘龍 注大 順動 偽遊 將順其 動
雲夢擒韓信 撫萬邦 視三老 書成 王撫萬邦 巡
歲視三老者至 致仕之老 明其 設 共人門 禮
掌舍掌王之會 同之舍 設 共人門 禮
桂桓行馬也 又云無宮則 共人門 禮
省耕省斂 又曰設車宮 設 共人門 禮
巡上見白虎通 詳 巡 設 共人門 禮
禮儀部 崇鑑類函卷一百五十八 巡狩

象胥諭言語協辭命九歲屬瞽史諭書名聽聲音十有
一歲達瑞節同度量成牢禮同數器脩法則十有二歲
王巡狩 觀河受圖 浮江射蛟 見帝王世紀詳巡一
殷國 旗建天子 樹封大夫 見勢度新禮儀詳巡一 羣鶴

留止 黃鵠翱翔 見漢武紀詳巡一 堯山立祠 都
亭下車 見三齊略記詳巡一 **原** 上順天時 旁求人

瘡 西成之望既登 東巡之禮斯備 述邦畿以省
方 觀仁風而展義 明黜陟之分則有巡功 崇望
秩之儀是稱展義

巡狩三

原 詩宋范蔚宗樂遊應詔詩曰軒駕時未肅文囿降昭

臨流雲起行蓋晨風引鑾音 梁沈約侍遊方山應詔

詩曰清漢夜昭哲扶桑曉陸離發歌縱陽下建羽朝夕

池縱金浮水若聲蹀映山祇一露九霄露藜藿終自知

北齊袁奭從駕遊山詩曰天遊響仙蹕春望動神衷

澗水含初溜山花發早蕞玉輿明淑景珠旗轉瑞風平

原與上路佳氣遠葱葱 周明帝還舊宮詩曰玉燭調

秋氣金輿歷舊宮還如過白水更似入新豐秋潭清晚

菊寒井落疏桐舉杯延故老今聞歌大風 隋煬帝還

京師詩曰東都禮儀舉西京冠蓋歸是月春之季花柳

相依依雲蹕清馳道雕輦御晨暉嘹亮鏡笳奏歲蕤旌

禮儀部

施飛後乘趨文雅前驅勵武威 李德林從駕巡遊詩
曰大夏堯遺俗汾河漢豫遊今隨龍駕往還屬雁飛秋
天行肅輦路日御翼華朝朝乘六氣輦夕動七星遊谷
靜禽多思風高松易秋遠林才有色遙水漫無流京華
佳麗所目極與雲浮但靚凌霄觀詎見望仙樓鑱門皆
秀發駕池盡學優待君草封禪東山觀射牛 又從駕
還京詩曰至仁文教遠惟聖武功宣太師觀六義諸侯
問百年元覽時乘隙訓旅次山川鎮象屯休氣華蓋翼
飛煙鼓奏千人響旗動七星連峻嶺戈回日高峯馬煦
天姑射神遊罷蕭關獵騎旋更待東山上看君巡狩篇

薛道衡從駕天池應詔詩曰上聖家寰宇威略振邊
陲八維窮眺覽千里曳旌旗駕龜臨碧海控驥踐瑤池
曲浦騰煙霧深浪駭鯨螭 又從駕幸晉陽詩曰省方
遵往冊遊豫叶前經金吾朝戒道校尉晚巡營重巒下
飛騎絕浦度連旌澗水寒逾咽松風遠更清方觀翠華
反簪筆上云亭 虞茂奉和幸太原輦上作應詔詩曰
唐巡光帝則夏豫穆宸儀珠旗揚翼鳳玉獸儼丹螭流
吹和春鳥交弄拂花枝 虞世南和幸江都詩曰南國
行周化稽山秘夏圖百王豈殊軌千載協前謨肆觀遵
時豫順動悅來蘇安流進畫舫戒道翼金吾龍旂煥辰

象鳳吹溢川塗封唐昔敷錫分陝被荆吳沐道咸知讓
慕義久成都冬律初飛管陽鳥正銜蘆嚴飈肅林薄曖
景澹江湖鴻私浹幽遠厚澤潤凋枯虞琴起歌詠漢筑
動巴歛多幸霑行葦無庸類散樗又和至壽春應令
詩曰瑤山盛風樂南皮務逸遊如何事巡撫民瘼諒斯
求文鶴揚輕蓋蒼龍飾桂舟泛沫縈沙嶼寒漸擁急流
路指八仙館途經百尺樓眷言昔遊踐回駕且淹留後
車喧鳳吹前旌映綵旒龍驂駐六馬飛閣上三休調諧
金石奏歡洽羽觴浮天文徒可仰何以廁琳瑯虞世
基和幸江都詩曰巡遊光帝典征吉乃先天澤國翔宸

駕水府泛樓船七萃榮長薄三翼亘通川夙興大昕始
求衣昧旦前澄瀾浮曉色遙林捲宿煙晨霞稍含景落
月漸虧弦回塘響歌吹極浦望旌旒方陪觀東后登封
禪肅然唐太宗重幸武功詩曰代馬依朝吹驚禽愁
昔藂况兹承眷德懷舊感深衷積善欣餘慶暢武悅成
功垂衣天下洽端拱車書同白水巡前迹丹陵幸舊宮
列筵歡故老高宴聚新豐駐蹕撫田畷回輿訪牧童瑞
氣縈丹闕祥煙散碧空孤嶼含霜白遙山帶日紅於焉
歡擊筑聊以詠南風上官儀和過舊宅應詔詩曰石
關清晚夏旋輿御早秋神麾颺珠雨仙吹響飛流沛水

祥雲沉宛郊瑞氣浮大風凝漢筑藜煙入舜球翠梧臨
鳳邸滋蘭帶鶴舟偃伯歌元化扈蹕頌王遊遺簪謬昭
獎珥筆荷恩休

原賦漢揚雄甘泉賦曰孝成帝時客有薦雄文似相如
者上方祀甘泉泰畤雄從上甘泉故述斯賦惟漢十世
將郊上元乃命羣僚星陳而天行詔招搖與太陰兮伏
鉤陳使當兵八神奔而警蹕兮飛蒙黃而走陸梁焱駭
雲迅奮以方攘半散照爛粲以成章於是帥爾陰閉雲
然陽開流星旄以電燭兮成翠蓋而鸞旗凌高衍之崑
縱兮超紆譎之清澄據軫軒而周流兮忽軼軋而無垠

翠玉樹之青葱兮辟馬犀之璘璫歷倒景而絕飛梁兮
浮蠃蠓而撒天曳紅采之流離兮颺翠氣之宛延排玉
戶而颺金鋪兮發蘭蕙與芎薢靡薜荔而為席兮折瓊
枝以為芳吸青雲之流瑕兮飲若木之露英集乎禮神
之囿登乎頌祗之堂攀璇璣而下視兮行遊目乎三危
玉女亡所眺其清臚兮宓妃曾不得施其娥睂於是欽
崇宗祈燎薰皇天樵蒸焜上配藜四施選巫咸兮叫帝
闕開天庭兮延羣神於是事畢功弘回車而歸度三巒
兮偈棠梨天闢浚兮地垠開八荒協兮萬國諧登長平
兮雷鼓磔天聲起兮勇士厲雲飛揚兮雨霂霑于胥德

今麗萬世亂曰崇崇園丘隆隱天兮增宮參差駢嵯峨
兮上天之緯杳旭卉兮聖皇穆穆信厥對兮來祇郊禋
神所依兮輝光炫耀降厥福兮子子孫孫長無極兮
又幸河東賦曰其三月將祭后土上乃率羣臣橫大河
湊汾陰既祭畢登歷觀陟西岳以望八荒迹殷周之墟
眇然以思唐虞之風雄以為臨川羨魚不如歸而結網
還上河東賦以勸焉其辭曰伊年暮春將瘞后土禮靈
祇謁汾陰于東郊乃撫翠鳳之駕馳先景之乘棹奔星
之流旃彊天狼之威弧奮電鞭驟雷輻鳴洪鐘建五旂
義和司日顏倫奉輿樂徃昔之遺風兮喜虞舜之所耕

瞰帝唐之嵩高兮賑隆周之大寧叱風伯於南北兮呵
雨師於西東參天地而獨立兮廓蕩蕩其無雙

原頌後漢班固東巡頌曰竊見巡狩岱宗柴望山虞崇
祀明堂上稽帝堯中述世宗遵奉世祖禮儀備具動自
聖心是以明神屢應休徵乃降不勝狂簡之情謹上岱
宗頌一篇曰若稽古在漢迪哲聿脩厥德憲章丕烈翻
六龍較五輅齊百僚陶質素命南重以司歷厥中月之
六辰備天官之列衛盛輿服而東巡 又南巡頌曰惟
漢再受命系葉十一協景和則天經郊高宗光六幽通
神明既禘祖于西都又將禘于南庭是時聖上運天官

之法駕建日月之旂旌 後漢崔駰東巡頌曰伊漢中
興三葉於皇維烈允迪厥倫纘王命肩漢勲矩坤度以
範物規乾則以陶鈞於是考上帝以質中總列宿於北
辰開太微敞禁庭延儒林以咨詢岱岳之事于時典司
耆耆載華抱寶徵爾而造曰盛乎大漢世增其德惟是
岳禮久而不脩此神人之所慶幸海內之所想思頌有
喬山之征典有徂岳之巡時邁其邦民斯攸勤不亦宜
哉乃命太僕訓六騶開路馬戒師徒於是乘輿登天靈
之威路駕太乙之象車升九龍之華旗建翠霓之旌旄
哀胡耆之元老賞孝行之峻農 馬融東巡頌曰允迪

在昔紹列陶唐殷天衷克搖光若時則運瓊衡敷六典
經八成肆類乎上帝實柴乎三辰禋祀乎六宗祇燎乎
羣神遂發號羣司申戒百工卜筮稱吉著龜襲從南征
有時馮相告祥清夷道而後行曜四國而揚光展聖義
于巡狩喜圻時而詠八荒指宗岳以為期固岱神之所
望散齋既畢越異良辰棫樛增構烈火燔燃暉光四揚
焱爛薄天蕭香肆升青煙習雲珪璋戩戩犧牲潔純鬱
曾宗彝明水元尊空桑孤竹咸池雲門六八匝變神祇
並存

原 誥後漢張衡東巡誥曰惟二月初吉帝將狩于岱嶽

淵鑑類函卷一百五十八
展義省方觀民設教丙寅肅率羣賓備法駕以祖于東
門届于靈宮是日也有鳳雙集于臺壬辰祀上帝于明
堂帝曰咨予不材為天地主慄慄翹翹百僚萬幾心之
謂矣孰朕之勞上帝有靈不替朕命誕敢不祗承凡庶
與祭于壇禪之位者曰懷爾邦君寔願先帝載厥大宗
以左右朕躬羣臣曰帝道橫被旁行海表一人有躡萬
民賴之從巡助祭者茲惟嘉瑞乃歌曰皇皇者鳳通元
知時萃于山趾與帝邀期吉事有祥惟漢之祺帝曰朕
不敢當亦不敢蔽天之吉命

淵鑑類函卷一百五十九

禮儀部六

封禪 蒐狩 示仁 附禽荒 附非禮

封禪一

原禮記曰昔先王因天事天因地事地因名山升中于

天 中成也祭天 告以成功也

詩曰於皇時周陟其高山 白虎通

曰天以高為尊地以厚為德故增太山之高以放天附

梁父之厚以報地 又曰易姓而起必升封太山何報

告之義也 又曰或曰封者金泥銀繩或曰石泥金繩

封之以印璽 帝王世紀曰黃帝得寶鼎興封禪有景

雲之瑞故以雲紀官為雲師 史記曰齊桓公欲封禪

禮儀部

淵鑑類函卷一百五十九

封禪

管仲曰古封太山禪梁父七十二家夷吾所記十有一
 焉無懷氏封太山禪云云顓頊封太山禪云云神農封
 太山禪云云炎帝封太山禪云云黃帝封太山禪亭亭
 帝譽封太山禪云云堯封泰山禪云云舜封泰山禪云
 云禹封泰山禪會稽湯封泰山禪云云周成王封太山
 禪社首皆受命然後得封禪古之封禪鄙上之黍北里
 之禾所以為盛江淮之間一茅三脊所以為藉東海致
 比目之魚西海致比翼之鳥然後有不召而自至者十
 有五焉 又曰秦始皇既并天下即帝位徵齊魯儒生
 博士七十人至泰山下議曰古者封禪為蒲車惡傷山

之土石草木始皇上泰山立石頌始皇德明其得封也
 封藏皆秘世不得而記也始皇上泰山中坂遇風雨休
 於樹下諸儒生譏之 又曰封禪則不死黃帝是也乙
 卯命侍中儒者皮弁薦紳射牛行事封太山如郊太一
 禮 又曰縱遠方奇獸蜚禽及白雉以加禮皆至泰山
 其夜若有光晝有白雲起封中 漢書曰元封元年四
 月癸卯上還登封泰山孟康注云王者功成治定告成
 於天刻石紀號有金策石函金泥玉檢之封 **增**其秋
 有星孛于東井後十餘日有星孛于三能 **能**讀曰台望氣王
 朝言候獨見填星出如瓜食頃復入有司皆曰陛下建

漢家封禪天其報德星云 二年夏旱公孫卿曰黃帝時封則天旱乾封三年上乃下詔天旱意乾封乎 **原**漢書曰倪寬對策云其封泰山禪梁父昭姓考功此帝王之盛節 **增**光武建武三十年羣臣上言宜封禪詔曰即位三十年百姓怨氣滿腹吾誰欺欺天乎曾謂泰山不如林放何汗七十二代之編錄桓公欲封管仲非之若郡縣遠遣吏上壽盛稱虛美必髡兼令屯田從此羣臣不敢復言 **原**續漢書曰建武三十二年上許梁松等奏乃求元封時故事議封禪所施用有司奏當刻玉璽一枚方寸三分玉版方五寸 又曰上以用石功

難又欲及二月封故詔梁松欲因故封石空檢更加封而已松上疏爭之以為承天之敬尤宜章明奉圖書之瑞尤宜明著今因舊封竄寄玉牒故石下恐非重受命之義 又曰御輦升山日中後到山上即位於壇南正面帝升壇尚書令奉玉牒檢皇帝以寸三分璽親封之 漢官儀曰封禪泰山就武帝封處累其石發壇置玉牒書封石此中復封石檢 又曰泰山東名曰日觀日觀者雞一鳴時見日始出北有石室壇南有盤中有玉龜南脅神泉飲之極清美 又曰建武三十二年東巡狩正月二十八日發洛陽宮二月九日到魯十二日宿

奉高十五始齋十九日之山虞國家居亭百官布野此
日上山雲氣成宮闕百姓皆見 封禪儀注曰持禮凡
三十人上發壇上十石函 一作蓋尚書令北向跪藏玉
牒畢持禮覆石函尚書令封上十石檢亦纏以金繩泥
雜用四方土各依其色 **增**文獻通考魏明帝時中護
軍蔣濟請封禪帝雖拒濟議而實使高堂隆草封禪儀
以天下未一不欲便行大禮會高堂隆卒不行 **原**吳
志曰孫皓天璽元年陽羨山有石室所在表為天瑞乃
遣兼司徒董朝兼太常周處封禪國山明年改元大赦
以協石文 王隱晉書曰武帝時有司奏晉德隆茂光

被四表吳會既平六合為一宜勅封岳以彰聖德詔曰
此盛德之事非所議也 **增**宋文帝在位長久有意封
禪詔學士山謙之草具儀注屬魏師南逼其意乃息孝
武大明元年太宰江夏王義恭表三請帝以文軌未一
不從 **原**宋書江夏王義恭表云雕氣降零於宮榭珍
露呈味於禁林宜其脩封泰山瘞玉岱趾 **增**宋書禮
志曰永光三年高祖將掃戎狄渾一天宇會計洛陽秩
禮名嶽羣臣且相謂曰須王振旅飲至隴朔無塵當議
奏封禪脩升中之禮縉紳文者或曰宜然自漢光武登
封之後斯絕矣 孫言宋書曰袁淑為吏部郎太祖元

嘉二十六年大舉北討淑侍坐從容曰盛王令典廢壞
永久今當鳴鑾中嶽疾卷趙魏檢玉岱宗今其時也臣
逢千載之會願上封禪書一篇使聲齊七十二代帝曰
盛德之事何足以當之文獻通考梁武帝天監中有
請封會稽禪國山者帝命諸儒草封禪儀欲行之著作
郎許懋建議曰舜柴岱宗是為巡狩而鄭引孝經鈎命
決云封于泰山考績燔燎禪于梁甫刻石紀號此緯書
曲說七十二君燧人之前世質民淳安得泥金檢玉結
繩而治安得鑄文告成妄亦甚矣若聖主不須封禪若
凡主不應封禪秦始皇嘗封泰山孫皓嘗封國山皆由

主好名於上而臣阿旨於下非盛德之事不可為法也
上嘉納之因推演懋議稱制旨以答請者由是遂止
隋文帝開皇九年平陳朝野皆請封禪詔曰豈可命一
將軍除一小國遐邇注意便謂太平以薄德而封名山
用虛言而干上帝非朕攸聞今後言及封禪宜即禁絕
十四年晉王廣帥百官抗表固請封禪帝令牛弘等
制定儀注既成帝視之曰茲事體大朕何德以堪之但
當東巡因致祭泰山耳唐太宗貞觀初羣臣並請封
禪惟魏徵以為不可太宗曰朕欲卿極言之豈功不高
耶德不厚耶羣翟不慕耶嘉瑞不至耶年穀不登耶何

謂而不可對曰陛下功則高矣而民未懷惠德則厚矣而澤未滂流諸夏雖安矣未足以供事遠彞慕義矣無以供其求符瑞雖臻芻羅猶密積歲豐稔倉廩尚虛此臣所以竊爲未可臣未能遠比且借喻于人今有人十年長患療治且愈皮骨僅存便欲使負米一石日行百里必不可得隋氏之亂非止十年陛下爲之良醫除去疾苦雖已乂安未甚充實告成天地臣竊有疑且陛下東封萬國咸萃要荒之外莫不奔走今伊洛已東暨於海岱藿莽巨浸茫茫千里人煙斷絕雞犬不聞道路蕭條進退間阻豈可引彼彞翟示以虛弱竭財以賞未厭

遠人之望加年給復不償百姓之勞或遇水旱之灾風雨之變庸夫橫議悔不可追豈獨臣之懇言亦有興人之誦太宗不能奪於是乃止焉 又曰貞觀六年文武百官以初平突厥盛德被於海內又年穀累登表封泰山太宗謂侍臣曰朕每見衆議以封禪爲盛事勸朕行之如朕本心但使天下太平家給人足雖闕封禪之禮亦可以比德於堯舜昔始皇爲合天心自稱皇帝登封岱宗奢侈自矜漢文竟不登封而躬行節儉刑措不用今皆稱始皇暴虐之主漢文爲有德之君以此言之無假封禪 高宗乾封元年封泰山爲圓壇山南四里如

圜丘三壇壇上飾以青四方如其色號封祀壇玉策三
以玉爲簡長一尺二寸廣一寸二分厚三分刻以金文
玉賈一長一尺三寸以藏上帝之冊金賈二以藏配帝
之冊纏以金繩五周金泥玉璽璽方一寸二分又如受
命璽石礧以方石再累皆方五尺厚一尺刻方其中以
容玉置礧旁施檢刻深三寸三分闊一尺當繩刻深三
分闊一寸五分石檢十枚以檢石礧皆長三尺闊一尺
厚七分印齒二道皆深四寸當璽方五寸當繩闊一寸
五分檢立於礧旁南方北方皆三東方西方皆二去礧
隅皆一尺礧纏以金繩五周封以石泥距石十二分距

礧隅皆再累皆闊二尺長一丈斜刻其首令與礧隅相
應又爲壇於山上廣五丈高九尺四出陛一壇號登封
壇玉檢玉牒石礧石距玉匱石檢皆如之爲降禪壇于
社首山上八隅一成八陛如方丘三壇上飾以黃四方
如其色其餘皆如登封其議略定而天子詔曰古今之
制文質不同今封禪以玉牒金繩而瓦尊匏爵秸席宜
改從文於是昊天上帝禱以蒼地祇禱以黃配禱皆以
紫而尊爵亦更焉是歲正月天子祀昊天上帝于山下
之封祀壇以高祖太宗配如圜丘之禮親封玉冊置石
礧聚五色土封之徑一丈二尺高九尺已事升山明日

又封玉冊於登封壇又明日祀皇地祇于社首山之降
禪壇如方丘之禮以太穆皇后文德皇后配而以皇后
武氏為亞獻越國太妃燕氏為終獻率六宮以登其帷
帟皆錦繡羣臣瞻望多竊笑之又明日御朝覲壇以朝
羣臣如元日之禮乃詔立登封降禪朝覲之碑名封禪
壇曰舞鶴臺登封壇曰萬歲臺降禪壇曰景雲臺以紀
瑞焉 明皇開元十二年四方治定歲屢豐稔羣臣多
言封禪張說又固請乃下制以十三年有事於泰山於
是說與徐堅等刊定儀注立圓臺于山上廣五丈高九
尺土色各依其方又於圓臺上起方壇廣一丈二尺高

九尺其壇臺四面為一階又積柴為燎壇于圓臺之東
南量地之宜柴高一丈二尺方一丈開上南出戶六尺
又為圓壇於山下三成十二階如圓丘之制又積柴于
壇南為燎壇於山上又為玉冊金匱石礎皆如高宗之
制明皇初以謂升中于崇山精享也不可喧譁欲使亞
獻以下皆行禮山下壇名禮官講議學士賀知章等言
夫昊天上帝君也五方精帝臣也陛下享君於上羣臣
祀臣於下可謂變禮之中然禮成於三亞終之獻不可
異也於是三獻皆升山而五方帝及諸臣皆祭山下壇
明皇問前世何為祕玉牒知章曰玉牒以通意于天前

代或祈長年希神仙旨尚微密故外莫知帝曰朕今爲
民祈福無以祕爲即出玉牒以示百寮其詞曰有唐嗣
天子臣其敢昭告于昊天上帝天啓李氏運興土德高
祖太宗受命立極高宗升中六合殷盛中宗紹復繼體
不定上命眷祐錫臣忠武底綏內艱推戴聖父恭承大
寶十有三年敬若天意四海晏然封祀岱岳謝成于天
子孫百祿蒼生受福 宋太宗興國八年泰山父老千
餘人詣闕請東封上謙讓不允中外羣臣獻歌頌稱功
德請封禪者不可勝計雍熙元年羣臣三上表陳請詔
以今年十一月有事於泰山尋以乾元文明二殿災詔

罷封禪 真宗祥符元年兗州父老呂良等千二百七
十八人詣闕請封禪上曰此大事不可輕議知州邵暉
又率屬官及兗州進士孔謂等伏闕陳請宰相王旦率
文武百官諸軍將校州縣官吏蕃夷僧道耆壽二萬四
千七百人詣東上閣門請封泰山詔不允又四表懇請
乃詔以今年十月有事於泰山 九月朔詔審刑院開
封府勿奏大辟案十月禁天下屠宰上自告廟即屏葷
茹羣臣三上表以道塗寒溼請復常膳不許又令自進
發至行禮前並禁樂有司請登封日園臺立黃麾仗至
山下壇設權火將行禮然炬相屬又出漆牌遣執杖者

傳付山下牌至公卿就位皇帝就望燎位山上傳呼萬
 歲下即舉燎皇帝還大次解嚴又傳呼而下祀官始退
 又社首瘞坎亦設權火三為準從之上遣司天以漏壺
 先設山之上下及以日晷覆校復於壇側擊板相應自
 太平頂天門黃峴岱岳觀各以長竿揭籠燈下照參候
 不愆其節辛卯車駕發京師至鄆州令從官衛士蔬食
 丁未次奉高宮戊申清齋于穆清殿諸司陞山人官給
 衣令祀日沐浴服之庚戌上服通天冠絳紗袍乘金輅
 備法駕至山門幄次改服鞞袍乘步輦登山鹵簿儀衛
 列于山下黃麾仗衛士親從卒自山趾盤道至太平頂

兩步一人綵繡相間樹當道者令勿伐幄止以繒帛縈
 之路經峻隘上必降輦徒步有司議益扶衛皆却之導
 從者或至疲頓而上辭氣益莊至迴馬嶺以天門斗峻
 給從官橫板選親從卒推引而上衛士皆給釘鞵上至
 衛幄召近臣觀玉女泉及古碑前一夕山上大風裂帟
 幕遲明未已及上至天氣溫而織羅不動祀官點饌習
 儀於園臺祥光瑞雲交相輝映是夕山下罷警場辛亥
 設昊天上帝位於園臺奉天書於坐左太祖太宗並配
 西北側申祖宗恭祀之意上服袞冕陞臺奠獻侍從導
 衛悉減去拂翟止於壇門籠燭前導亦徹之中書侍郎

讀玉牒文曰有宋嗣天子臣諱敢昭告于昊天上帝運
啓大同惟宋受命太祖開階功成治定太宗膺圖重熙
累盛粵惟冲人不承列聖一紀于茲四隩來暨時和年
豐羣生咸遂僉議大封聿申昭事躬陟喬岳對越上元
祈福逮下侑神奉先天祿無疆靈休允迪萬乘其昌允
保純錫令羣官享諸神於山下封祀壇上還次司天監
跪奏慶雲繞壇月有黃輝氣宰臣率從官稱賀即日還
仗奉高宮壬子禪祭社首山如封祀之禮上至山下服
鞞袍步出大次侍臣言山路峻滑請乘步輦上曰接神
在邇敢不徒行五使等復固請終不許前夕陰晦風勢

勁猛不能燃燭及行事風頓止天宇澄霽燭焰凝然封
石撼訖紫氣蒙壇法駕還奉高宮日輪五色雲見鼓吹
振作觀者塞路懽呼動天地國朝以來四方所獻珍禽
奇獸悉縱於山下癸丑御朝觀壇大赦天下改乾封縣
曰奉符配坐金匱迴日奉置太廟本室上作登泰山謝
天書述二聖功德銘初王欽若言唐高宗明皇二碑之
東石僻南向平峭欲即崖成碑以勒聖製上曰朕之功
德故無所紀若須撰述不過謝上天敷祐敘祖宗盛美
爾又詔王旦撰封祀壇頌王欽若撰社首壇頌陳堯叟
撰朝覲壇頌改太平頂曰太平嶺先是太山多陰翳雷

雨及工徒陞山景氣晴爽上之巡祭也往還四十七日未嘗遇雨雪嚴冬之候景氣怡和祥應紛委咸以為誠感昭格天意助順之致也 文中子曰封禪非古也其秦漢之侈心乎太史公作封禪書則以為古受命帝王未嘗不封禪且引管仲答齊桓之言以為古封禪七十家自無懷氏至三代皆有之蓋出於齊魯陋儒之說詩書不載非事實也 **原**河圖真紀曰王者封泰山禪梁父易姓奉度繼興崇功者七十二人 河圖會昌符曰漢太興之道在九代之王封於泰山刻石著紀禪於梁父退省考功 孝經鉤命決曰封乎泰山考績燔燎

禪乎梁父刻石紀號垂度示典功平致教 尚書中候曰昔古聖王功成道洽符瑞出乃封泰山今比目之魚不至鳳皇不臻未可以封鄭康成注比目東方異氣所生名鯁 **增**五經通義曰易姓而王太平必封泰山禪梁父何天命已為王使理羣生也或曰封以黃金為泥以銀為繩經無明文以義說之所以止封岱泰山者五岳之長羣神之主故獨封於泰山告太平於天報羣神之功也禪梁父者泰山之支屬能配泰山之德也 風俗通曰封禪必於岱宗者長萬物之始陰陽交代觸石而出膚寸而合不崇朝而遍雨天下惟泰山乎封禪之

制石高丈二尺刻之曰事天以禮立身以義事父以孝
成名以仁四夷八蠻咸貢其職 又曰封泰山禪梁父
說岱宗上有金篋玉策能知人年壽脩短武帝探得十
八倒讀曰八十其後果用耆長 桓譚新論曰泰山之
上有刻石凡八百餘處而可識知者七十有二 袁
淮正論曰封禪之言惟周官有王大封之文齊桓公欲
封禪聞管仲言而止焚燎祭天皆王者之事非諸侯之
所為也是以學者疑焉後秦一主漢二君脩封禪之事
其制為封土方丈餘崇於泰山之上皆不見於經秦漢
之事未可專信管仲云禹禪會稽告天則同祭地不得

異也會稽而可禪四岳皆可封也夫洛陽者天地之所
合嵩高者六合之中也今處天地之中而告於嵩高可
也奚必於泰山 王嬰古今通論曰泰山上為天門值
戶戶為明堂聖帝受天宮之宮也王者即位三十年功
成治定則告成於天登封泰山刻石紀號 **原**太康地
紀曰奉高者以事東岳帝王禪代之處也故明堂在縣
南四里漢武立太壇於東山以登天下示增高 司馬
相如封禪書曰業隆於襍祿崇冠乎二后揆厥所元終
都攸卒未有殊尤絕迹可存於今然猶躡梁父登泰山
建昭號書尊名將襲舊六為七據之無窮俾萬世得激

清流揚微波飛英聲騰茂實應劭注襁褓謂成王也二后文武也張華

議曰海內歸心符瑞之應備物之盛未有若今之富者

封禪二

承天 報地並詳封禪 降禪 升封謝靈運泰山吟曰岱宗秀維岳

加厚 增高詳見白虎通 封金 刻石 金策 石檢

金印 玉璽封禪上並詳 三脊 六穗史記天子獨與侍中奉車

子侯上泰山亦有封其事皆禁明日下陰道丙辰禪泰山下阻東北肅然山如祭后土禮天子皆親拜見衣上黃而盡用樂焉江准間茅三脊為神藉司馬相如封禪書導一莖六穗于庖注導擇也一莖六穗謂擇嘉禾

之米于庖 西鷄 東鰈謝莊表請封禪奏曰江淮

以供祭祀 檢玉 泥金並詳封 探策 封

路之譯相望於道 石室 天關並詳封 日觀 雲關並詳

檢並詳封 合符 展采漢書公孫弘曰黃帝封東岳泰山

禪書因雜縉紳先生之略術使獲曜日月之末光 尊

絕炎以展采錯事猶兼正列其義而被飾厥文 石蓋 金

名 盛節並詳封 秦雨 漢雲並詳封 石蓋 金

繩上見封禪儀注 仙閣 天門漢書上脩五年之禮

者在泰山下直上七十里至天門如從穴中窺天窓矣 勒

石 瘞玉並詳封 射牛 縱雉並詳封 方

岳 圓壇鄭注天子巡狩邦國至方岳之下而封禪

禮儀部 封禪

禮儀部 封禪

禮儀部 封禪

禮儀部 封禪

下見續漢書 玉盤 石礮 玉檢 石泥 受符

奉牒 事天 禮地 還至奉高上念諸儒及方士

言天子至梁父禮祠地王 報德 年羣臣復奏言登封

告成爲民報德 告平 詳見五經通義 發德號 飛英

百王所同也 揚仁風 騰茂實 張華封禪儀肇自生

聲封禪一並詳 揚仁風 騰茂實 人則有后辟載化之

數莫之能紀大德齊代揮 檀高里 漢書武帝紀太初

揚山十一月甲子朔旦冬至祀上帝於明堂乙酉柏

梁災十二月禮高里伏嚴注高里山名在泰山下

登介丘 夫斯之爲符也 以登介丘不亦應乎 燦微

大丘也言周以白魚爲瑞 接神仙 既聞公孫卿及方

士之言黃帝以蓬萊士高世比德于九皇而頗采儒術以

上接神仙人蓬萊士高世比德于九皇而頗采儒術以

文 承靈瑞 祭祀志光武封泰山甲午禪於梁陰以承靈瑞

臣郡守師尹咸蒙祉福永無極也 廣符瑞 相如馬

封禪書天子沛然改容曰俞乎朕其試哉乃遷思慮

康曰詩所以頌功德 汗編錄 奏封禪 詔曰災異連仍

謂下四章之頌也 汗編錄 奏封禪 詔曰災異連仍

日月薄蝕百姓怨歎而有事泰山汗七 名山望來 馬

相如封禪書萬物熙熙懷而慕思名山 設壇望幸 陛

顯位望君之來君乎君乎侯不邁哉 設壇望幸 陛

不特創見初功無與二休烈浹洽符瑞衆變期應經上

帝垂恩儲社將以慶成陛下謙讓而弗發也 孟康注意

者言泰山梁父設壇場望陛下謙讓而弗發也 孟康注意

也 奉符行事 越故聖王弗替而脩禮地祇謁歛天神

勤功中岳 特牲告祠 續漢書祭禮志建武三十二年

禮儀部 特牲告祠 續漢書祭禮志建武三十二年

禮儀部 特牲告祠 續漢書祭禮志建武三十二年

禮儀部 特牲告祠 續漢書祭禮志建武三十二年

禮儀部 特牲告祠 續漢書祭禮志建武三十二年

禮儀部 特牲告祠 續漢書祭禮志建武三十二年

或曰泰山雖已從食於祠祭今親升告功宜有禮祭於
 是使謁者以一牲特於祠祭今親升告功宜有禮祭於
 劉先祠先農岱宗為長岱宗為神霧云五岳視三公
 先虞故事漢官儀建武三十二年駕東巡二月往焉
 高帝配天漢官儀建武三十二年駕東巡二月往焉
 官以次下明日祭問起居二十四日發至梁父九十里
 牲二以十五日禪祭於梁陰以高帝配天以高后配地
 必於岱宗詳見風俗通必於泰山必於泰山何萬物
 所交代也吉日刻玉續漢書祭祀志以建武三十二年
 年相芻藁以吉日刻玉牒辛卯登封十二年二月東巡
 書函藏金匱印封也辛卯登封十二年二月東巡
 登封泰山辛卯輦人挽升封禪儀建武三十二年二月
 日祭燔燎禮畢百官各以次上國家御太常治禮官漢
 儀建武三十二年登封泰山尚書令先上刻石志建
 奉玉牒檢皇帝親封畢太常治禮官漢

武三十二年正月詔梁松等復按察河洛讖文九世
 封禪事者松等列奏乃許焉使泰山郡及魯趣石工刻
 方石中命容玉牒二月上至奉高遣侍先之觀壇封
 御史與蘭臺令史將工先上刻石
 儀記申駕東巡二月十五日始齋壇玉牒金縷祭用金
 其等七十人先之山虞觀祭山壇
 纒五方寸二分一枚方五寸玉
 石為泥東方西方各三檢中石泥青氣上屬儀光
 及壇上色赤白黑各依如其方色
 武登封泰山禮畢羣臣稱萬歲音動山谷有青氣黃
 上屬天遙望不見山巔山巔人在氣中不知也
 鵠來壇詳祭祀山呼萬歲高御史乘屬在廟旁吏卒
 咸聞呼萬歲氣成宮闕詳封降坐明堂漢書武帝紀
 歲者三萬氣成宮闕詳封降坐明堂漢書武帝紀
 降坐明堂注初天子封泰山泰山東北附古時藏書
 有明堂處則此所坐者也明年秋乃作明堂藏書
 方石當用方石再累置壇中用玉牒書藏方石又用石
 禮儀部

檢十枚列於石旁 又用石峻峭以刻書 建武事 應劭漢官儀載漢武封禪
 往望道峻峭如騎步牽馬乍步乍騎且相半至中觀雷
 其峻也石壁如從底仰觀抗峰其為高也如視浮雲
 雲上復勉強相將過樹乃知是人也殊不可上四布僵卧
 尚十餘里其道傍山脅仰視巖石松樹鬱鬱蒼蒼若在
 雲中俛視窺谷碌碌不可見丈尺直上七里賴其羊腸
 遠迤名曰環道往往絙索可得而登也兩從者扶掖前
 人相牽後人見前人履 太康泰 司奏自古聖明封禪
 底前入見後人頭頂 先朝憲章古昔勒功岱岳登
 名山著於史籍今宜祖述 齊黃軒 禪齊乎黃軒 勒
 封告成揚名萬世以顯祖宗 請告太常具儀禮上復詔
 曰所議誠前烈之盛也 漢武 而虛美 登岱勒封 與黃 封岱勒成 以紀太
 方今未可以爾便報絕之 比崇 誰敢欺天 詳封一 咸

五 登三 石紀 金宇 紀德 銘功 紀聖號

編金策 閉以玉檢 封以金泥 踐三五之遙迹

踵八九之遐武 文選注八九謂七十二君也 增德隆光被 功成

道洽 陽羨石室 奉高太壇 脩封瘞玉 發壇置

牒 昭姓考功 垂度示典 尚書藏牒 皇帝親封

封禪三

原詩 唐李義府羨陪封禪詩曰天齊標巨鎮日觀啓崇
 期岩崑臨渤澥隱嶙控河沂眺迴分吳乘凌高屬漢祠
 建岳誠為長升功諒在茲帝猷符廣運元範暢文思飛
 聲總地絡騰化撫乾維瑞冊開珍鳳禎圖薦寶龜創封

禮儀部

禮儀部

封禪

清鑑類編卷一百五十九
超昔夏脩禪掩前姬東后方肆覲西都導六師石闕環
藻衛金壇映黻帷仙階溢鄙黍靈檢耀祥芝張樂紛韶
獲觀禮縱華夷佳氣浮丹谷榮光泛綠坻三始昭遐貺
萬歲受重釐

原表唐李百藥勸封禪表曰大禮與天地同節大樂與
天地同和六宗五帝禋祀惟永名山大川饗禮無輟而
告成方岳獨異師古自朝及野馳心蕩慮伏願御六氣
之辨順四序之和升彼岱宗具斯盛禮聽萬歲之逸響
紹千載之遐蹤 朱子奢請封禪表曰臣聞天地之大
德曰生遂其生者元后聖人之大寶曰位固其位者上

元豈可不對越壇場欽若穹昊雖復舜格文祖周變商
俗體淳德而揖讓濟澆道於干戈步驟之迹以殊損益
之功斯異誠有之矣至於詔躡梁父張樂介丘增類帝
之封典射牛之禮考績禋燎繼蹤韶夏豈殊道也 岑
文本勸封禪表曰伏願順萬國之歡心膺三靈之睠命
備天官以周衛盛輿服以巡遊五輅齊列六龍按轡瞻
岱郊而啓軻指羸里爲一息詔卿士延禮官設壇場陳
玉帛禋六宗而報上帝班五瑞以朝諸侯成天下之壯
觀紹帝王之盛節俾夫山稱萬歲壇燭神光播厚福於
無窮揚鴻徽於來裔 高若思勸封禪表曰伏願褰旒

寫照洽羣請於帝俞闢曠垂矜遂微懇於人欲騰茲璽
誥激彼天波徵萬玉以警途詔八神而弭策藉江茅而
陳鄙黍飾蒼壁而奠黃琮馳萬歲以飛聲接九重而媿
美使編珠毓貺開麗色於金泥觸石凝禎蕩浮華於石
礪式昭昌祚永播鴻名凡在生靈義深聳踴

增議唐顏師古封禪議曰將封先祭義在告神且備欵
謁之儀方展慶成之禮固當為壇下距預申齋潔贊饗
已畢然後登封既表慎重之深兼示行事有漸今請祭
於山下封於山上四出開壇道場通議南面入升於事
為允今請山上園壇廣五尺高九尺用五色土為之四

面各設一陛御位在壇南升自南陛而就行事舊藏玉
牒止用石函亦猶書盛篋笥所以或呼為石篋然其形
大質重轉徙非易岱宗儻無此石皆應取自他山所以
不為混成累輯而作大要在於周固稽其縝密而近代
儀注更名石礪礪非稽古之文本無義訓可尋羸縮之
間貴在折中不煩紛議更增疑惑今請方石三枚以為
再累其十枚石檢刻方石四邊而立之纏以金繩用備
檢約凡言封者皆是積土之名利建分封亦以班社立
號謂之封禪厥義可知今且置牒壇上止因累石不加
繕築即以為封匪惟嚴秘之道有如簡率亦乃名實不

副理恐乖爽今請於園壇之上安置方石封印既訖加五色土築以為封高一丈二尺而廣二丈金玉重寶質性堅貞宗祀嚴禋皆充器幣豈嫌華靡實貴精確况乎三神壯觀萬代鴻名禮極殷崇事資藻緝玉牒玉檢式韞靈琦傳之無窮永存不朽至於廣袤之數足以載文辭絨束之方務在申膠固今宜立制隨時損益豐功厚德既以跨躡前蹤盛典宏規無勞一遵曩式今請玉牒長一尺二寸廣厚各五寸玉檢厚二寸其印齒疎密隨印大小距石之設意取牢固本資實用豈云巧飾今既積土厚封更無差動天長地久寧假支持斜設橫安請

並弗置勒石紀號垂裕後昆美盛德之形容闡后王之休烈其義遠矣其事尚焉我皇聲暢九垓威橫八極靈祇不愛其寶兆庶無得而稽但當贊述希夷以據臣下之至具祭壇之例登封之所肆觀萬國受記百神固宜刻頌顯揚功業至如小距環壇石闕別樹事非經據無益禮儀煩而非要請從減省神靈璽寶而弗用由來無所施行其六璽雖以封書莫不披於羣下受命之璽登封則用昭事上元表茲介福休徵緯兆豈因常貫又封檢之璽分寸不同即事而言請並更造既順肅虔之理永垂創制之名禪壇制度請從新禮行事儀式亦並依

之自外委細不載於文者職在所司隨事量定詔旨集
公卿及儒生學士議登封事謹依訪聞具件如右 裴
守貞封禪射牲議曰據周禮及國語昭示天地天子自
射其牲漢武惟封泰山令侍中儒者射牛行事至於餘
祀亦無射牲之文但親春射牲雖是古禮久從廢省難
以施行據封禪禮祀日未明十五刻宰人以鑿刀割牲
質明而行事比鑿駕至時牢牲總畢天皇惟奠玉獻酌
而已今若祀前一日射牲之事即傷早祀日方始射牲
事又傷晚若依漢武故事即非親射之儀事不可行請
從減罷

蒐狩一

原毛詩曰騶虞鵲巢之應也鵲巢之化行人倫既正朝
廷既治天下純被文王之化庶類蕃殖蒐田以時仁如
騶虞則王道成也 班固白虎通曰王者諸侯所以田
狩者何也為田除害上以供宗廟下以簡集士眾也故
爾雅曰春獵為蒐夏獵為苗秋獵為獮冬獵為狩郭璞
注云蒐為搜索取不任者苗為苗稼除害獮為順殺氣
狩為得獸取之無所擇此則為田除害之義 **增**易曰
即鹿無虞以從禽也 又曰田獲三品 又曰田獲三
狐 又曰王用三驅失前禽也 又曰庖犧氏之王天

下也結繩而為網罟以佃以漁蓋取諸離 史記殷本
紀湯出見野張網四面祝曰自天下四方皆入吾網湯
曰嘻盡之矣乃去其三面祝曰欲左左欲右右不用命
乃入吾網諸侯聞之曰湯德至矣及禽獸 詩曰田車
既駕四牡孔阜東有甫草駕言行狩之子于苗選徒囂
囂建旒設旒搏獸于敖 又曰奉時辰牡辰牡孔碩公
曰左之舍拔則獲 又曰徒御不驚大庖不盈毛詩傳
不盈盈也自左膘而射之達於右膈為上殺射右耳本
次之射左膈達於右鬲為下殺面傷不獻踐毛不獻不
成禽不獻禽雖多擇取三十焉其餘以與士大夫以習

射于澤宮中則取禽鄭箋云射右耳本射當為達 又

曰既張我弓既挾我矢發彼小豝殪此大兕 **原**周禮

曰大司馬仲春教振旅遂以蒐田仲夏教蒐舍遂以苗

田 蒐草舍止也軍有草止之法 仲秋教治兵遂以獮田仲冬教大閱

遂以狩田 禮曰頒禽隆諸長者而悌達乎獮狩矣

又曰田獵有禮故戎事閑也 **增**禮曰天子諸侯無事

則歲三田一為乾豆二為賓客三為充君之庖 三田者夏不田

無事而不田曰不敬不以禮曰暴天物天子不合圍諸

侯不掩羣天子殺則下大綏諸侯殺則下小綏大夫殺

則止佐車佐車止則百姓田獵獮祭魚然後虞人入澤

梁豺祭獸然後田獵鳩化為鷹然後設罝羅草木零落
然後斧斤入山林昆蟲未蟄不以火田不麇不卵不殺
胎不死夭不覆巢 周禮若大田則率有司饁獸於郊
遂頒禽 又曰獸人掌罝田獸辨其名物冬獻狼夏獻
麋春秋獻獸物時畋則守罝 又曰甸祝掌四時之田
師甸致禽於虞中 又曰大司馬狩田大獸公之小禽
私之獲者取左耳 又曰太宰職八曰田役以馭其衆
又曰小司徒起徒役無過家一人其餘為羨惟田與
追胥竭作 又曰獸人弊田令禽注於虞中 又春官
司徒凡甸冠弁服 肆師凡四時之大甸獵祭表貉則

為位 司几筵甸役則設熊席右漆几 甸祝掌四時
之田表貉之祝號 又翼氏掌攻猛獸各以其物為媒
而拮之 又曰鄉師凡四時之田前期出田法於州里
簡其鼓鐸旗物兵器脩其卒伍及期以司徒之大旗致
衆庶而陳之以旗物辨鄉邑而治其政令刑禁巡其前
後之屯而戮其犯命者斷其爭禽之訟 **原**左傳曰春
蒐夏苗秋獮冬狩皆於農隙以講武事也 **增**傳曰已
有三牲必田狩者孝子之意以為己之所養不如天地
自然之牲逸豫肥美禽獸則傷五穀因習兵事又不空
設故因以捕禽獸所以共承宗廟不忘武備又因為

田除害 又曰苗者謂何曰苗者毛也取之不圍澤不
掩羣取犬禽不麝不卵不殺孕重者春蒐者不殺小麝
及孕重者冬狩皆取之百姓皆出不失其時不抵禽不
詭遇逐不出防此苗獮蒐狩之義也故苗獮蒐狩之禮
簡其戎事也故苗者毛取之蒐者搜索之狩者守留之
夏不田何也曰天地陰陽盛長之門猛獸不攬驚鳥不
搏蝮蠱不螫鳥獸蟲蛇且知應天而况乎人哉是以古
者必有養牢其謂之畋何聖人舉事必反本五穀者以
奉宗廟養萬民也去禽獸害稼穡者故以田言之聖人
作名號而事義可知也 原穀梁曰秋蒐於紅以習用

武事 禮又曰士衆習射射而中田不得禽則得禽田
得禽而射不中則不得禽以知貴仁義賤勇力也 左
傳昔周辛甲之爲太史也命百官官箴王闕于虞人之
箴曰茫茫禹迹畫爲九州經啓九道民有寢廟獸有茂
草各有攸處德用不擾在帝夷羿冒于原獸亡其國恤
而思其麇牡武不可重用不恢於夏家獸臣司原敢告
僕夫 宣王料民於太原仲山甫諫曰民不可料也夫
古者不料民而知其少多司民協孤終司商協名姓司
徒協旅司寇協姦場協入廩協出則是少多死生出入
往來者皆可知也於是乎又審之以事王治農於藉蒐

於農隙耨獲亦於藉獮於既蒸狩于異時是皆習民數者也又何料焉不謂其少而大料之是示少而惡事也臨政示少諸侯避之治民惡事無以賦令漢書司馬相如傳上讀子虛賦而善之召問相如相如曰此諸侯之事未足觀請為天子游獵之賦相如以為子虛虛言也為楚稱烏有先生者烏有此事也為齊難亡是公者亡是人也欲明天子之義故藉此三人為辭其卒章歸之於節儉因以諷諫元鼎中天子行獵新秦中以勒邊兵而歸元帝永光元年行幸甘泉禮泰時禮畢因留射獵五年上幸長楊射熊館布車騎大獲成帝

元延二年冬行幸長楊宮從胡客大校獵宿黃陽宮後漢明帝永平十六年冬車駕校獵上林苑安帝延光二年十一月校獵上林苑順帝永和四年十月校獵上林苑歷函谷關而還桓帝延熹元年校獵廣成遂幸上林苑靈帝光和五年校獵上林苑函谷關遂巡狩於廣成苑宋文帝元嘉二十五年閏二月大蒐於宣武場主司列奏申攝尅日校獵百官備設行宮殿便坐於武帳岡王公百官便坐幔省如常儀梁陳並依宋儀其異者置行殿於幕府山南岡并設王公百官幕先獵一日遣馬騎布圍領軍督左右軍將軍督右大

司馬董正諸軍獵日侍中三奏一奏槌一鼓為一嚴三嚴訖引仗為小駕鹵簿皇帝乘馬戎服從者悉絳衫幘黃麾警蹕鼓吹如常儀獵訖宴會享勞比較多少戮一人以懲亂法會畢還宮北齊春蒐禮有司規大防建獲旗以表獲車前一命布圍領軍將軍一人督左甄護軍將軍一人督右甄大司馬一人居中節制諸軍天子陳小駕服通天冠乘木輅詣行宮將親禽服鈹戟者皆嚴武衛張甄圍旗鼓見銜枚而進甄常開一方以令三驅圍合吏奔騎令曰鳥獸之肉不登於俎者不射皮革齒牙骨角毛羽不登於器者不射甄合大司馬鳴鼓

促圍衆軍鼓噪鳴角至期處而止大司馬為屯北旗門二甄師屯左右旌門天子乘馬從南旌門入親射禽謁者以獲車收禽載還陣於獲旗之北王公以下以次射禽事畢大司馬鳴鼓解圍復屯殿中郎中率其屬收禽以實獲車天子還行宮命有司每會擇取三等一曰乾豆二曰賓客三曰充君之庖其餘即於圍下量鵠將士禮畢改服鈹者韜刃而還隋大業三年煬帝在榆林突厥啓人及西域東胡君長並來朝貢帝欲示以兵甲之威乃命有司陳冬狩之禮詔虞部量拔延山南北周二百里並立表記前狩二日兵部建旗于表所五里一

旗分爲四十軍軍萬人騎五千匹前一日諸將各率其軍集于旗下鳴鼓後至者斬詔四十道並揚旗節分中迴令即留軍所監獵布圍圍南西方行而前帝服紫袴褶黑介幘乘鬪豬車駕六黑驢太常陳鼓笳鏡簫角於帝左右各百二十官戎服騎從鼓行入圍諸軍並鼓行赴圍乃設驅逆騎千有二百鬪豬軛有司斂大綏王公以下皆整弓陳於駕前有司又斂小綏乃驅獸出過於帝前待詔再驅過至備身將軍奏進弓矢三驅過帝乃從禽鼓吹皆振左而射之每驅必三獸以上帝發抗大綏次王公發抗小綏次諸侯發射則無鼓驅逆之騎乃

止然後四夷百姓皆獵 唐高祖武德五年十二月上幸涇陽之華池校獵謂朝臣曰今日畋樂乎蘇世長對曰陛下游田薄廢萬幾不滿十旬未見大樂上色變旣而笑曰狂發也世長曰爲臣私計則狂爲陛下私計則忠 八年十月校獵於周氏陂謂侍臣曰獵以供宗廟朕當躬其事以伸孝享之誠 太宗貞觀五年大蒐於昆明池夷落君長從 十一月狩于濟源之陵山上曰古者先驅以供宗廟今所獲鹿宜令所司造脯醢以充薦享 十六年十二月狩於驪山 高宗龍朔元年十月狩於陸渾縣六日至飛山頓帝親御弧矢獲四鹿及

兔數十頭 總章二年駕自九成宮還京仍西狩校習
自麟遊西北遶岐梁歷普潤為兩頭 明皇先天元年
十月幸新豐獵於驪山之下 開元三年大蒐於鳳泉
德宗貞元十一年十二月臘日畋於苑中止其多殺
行三驅之禮 武宗會昌元年十月車駕幸咸陽校獵
二年十月校獵於太白原 宋太祖建隆二年十一
月始狩於近郊賜宰相樞密使節度觀察防禦團練使
統軍侍衛諸軍校皆錦袍親王以下射中者賜馬 太
宗太平興國五年十二月畋於近郊 雍熙二年十一
月詔曰三田之制其一曰乾豆謂腊之以供祀也近以

率遵時令薄狩郊畿既親射以獲禽宜奉先而登俎其
以畋獵親獲獸付所司薦享太廟仍著于令 端拱元
年十月詔自今非時朕不於近甸遊獵其五方所畜鷹
犬並放之仍令諸州不得以鷹犬來獻 淳化五年臘
日命諸王田獵近郊 真宗咸平三年十二月以獵獲
狐兔薦廟之餘賜中書樞密院 大中祥符三年詔令
教駿所養鷹鷂除量留十餘以備諸王從時展拜禮外
其餘並去其羈縶縱之山林自景德四年後上不復出
獵天禧初又詔禁圍草地許民耕墾 仁宗慶曆五年
兵部員外郎直集賢院李東之言祖宗校獵之制所以

順時令而訓戎事也陛下臨御以來未嘗講脩此禮願
詔有司草儀注擇日命殿前馬步軍司互出兵馬以從
獵於近郊詔樞密院討詳先朝校獵制度十月御內東
門賜從官酒三行奏鈞容樂幸瓊林苑門賜從官食遂
獵於楊邨燕幄殿奏教坊樂遣使以所獲麋兔馳薦太
廟既而召父老臨問賜以飲食茶絹及賜五坊軍士銀
絹有差 六年十一月復獵於城南韓邨自玉津園去
輦乘馬分騎士數千為左右翼節以旗鼓合圍場徑十
餘里部隊相應天子按轡中道親挾已矢而屢獲禽是
時道傍居民或畜狐兔鳧雉驅于場中因謂輔臣曰曠

獵所以訓武事非專所獲也悉令縱之

原文子曰先

王之法也不焚林而狩昆蟲未蟄不以火田也

增又

曰豺未祭獸罝網不通於埜鷹隼未擊羅網不張於谷

莊子梁君出獵見白鴈羣下殼弩欲射之道有行者
梁君謂行者止行者不止白鴈羣駭梁君怒欲射行者
其御公孫龍止之梁君怒曰龍不與其君而顧他人對
曰君以白鴈故欲射殺人主君譬人無異於豺狼也梁
君乃與龍上車歸呼萬歲曰樂哉人獵皆得禽獸我獵
得善言而歸 晏子景公田十有八日不反晏子往見
而衣冠不正公望見晏子下車急曰夫子何遽得無有

故乎對曰國人皆謂君安野而好獸無乃不可乎公曰
寡人有吾子猶心之有四肢也有四肢故心得佚晏子
曰若心有四肢而得佚則可令四肢無心乎公乃罷田
而歸

蒐狩二 (附示仁 非禮 禽荒)

原講武 習戎 東都賦若乃順時節而蒐狩簡車徒以禮記季冬之月天子乃教田獵以習五戎注五戎戈戟弓矢 **搏獸** **大蒐** 上詳蒐
魏文帝校獵賦高宗征於鬼方今黃帝有事於阪泉慍蜀備之作庚兮忿吳夷之不藩將訓兵而講武兮因大蒐乎 **竦戎** **講旅** 乃時以有年出兵整與竦戎振師田隙 **建大麾** 禮周 **下大綏** 禮 **獵長楊** 漢書
五柞習馬長楊簡力狡獸校武則禽王衆校獵賦遵古道以遊豫兮昭勸助乎農圃用時隙之餘日兮陳苗

狩而 **秋田** **冬狩** 司馬相如子虛賦秋田乎青丘徧講旅

胷中 曾不帶 **建大麾** 禮周 **下大綏** 禮 **獵長楊** 漢書

歷上蘭 班固 **載翠胷** **倚金鞍** 張衡 **乘鑊象** **馭玉虬**

相如馬 **乘雕輅** 馬四飛黃 **大田簡衆** 禮周 **蒐狩習**

武氏 **選徒萬騎** 相如馬 **駕雕六駁** 張衡 **背夏涉冬** 馬司

如相 **施車載旌** 禮周 **岐陽之蒐** 春秋成有 **漆沮之從**

蒐於岐陽 帝王世紀 **獵於七澤** 穆天子傳 **升彼大阜** 詩

獵於陘山 穆天子傳 **弓燥手柔** **草淺獸肥** 典論歲之暮春勾芒司節

和風扇物弓燥手柔草淺獸肥與族兄子 **屬車轆轤**

羽騎騰驤 應 **過防不逐** **面傷不獻** 穀梁秋蒐於

禮儀部 **蒐狩**

也艾蘭以為防置滿以為轅門過防弗逐不從奔之道也面傷不虞不成禽不獻禽雖多天子取三十焉其餘與士示禮傳曰成有岐陽之蒐所以示眾蒐所以示諸侯禮也諸侯所由蒐所以示也

也諸侯所由棄命也 驅害 詳蒐 用鮮 子產曰惟君祭以簡車賦 習軍旅 禮郊特牲季春出火為焚也而親誓社以習軍旅左之右之坐之起之以觀其習變也而流示之禽鹽諸利以觀其不犯命也求服其志不貪其 講戎事 績武功 習縣貍 射麋 即鹿

從禽 從禽于外上無遺走 獻禽 傳以歲之非時 餼獸 鮮 鮮北命虞人數獸林功賜也 給鮮 不給於鮮 乃計

少卿分 收禽 文選會眾收 給鮮 不給於鮮 乃計

別命也 收禽 文選會眾收 給鮮 不給於鮮 乃計

鮮北命虞人數獸林功賜也 給鮮 不給於鮮 乃計

衡計鮮論最考功 公獸 詳蒐 一蒐 私縱 詳蒐 指蹤

漢高曰追殺獸者狝也指示蹤者人也 犄角 左傳捕 四時 三品 詳蒐

一狩 獵禁 禁俗掌部格西京五百里內宜禁捕 獵較

詳蒐 御眾 斷爭 竭作 禮詳蒐 時畋 張

羅 詳蒐 施弋 文選鷹隼未發短 東津 魏文帝詩巾

獵東橋津重置施 南圃 後漢張衡羽獵賦皇上帝感天

密網罕畢飄如雲 南圃 恩之繆烈思太昊之觀虞虞

人表林麓而廓萊藪翦荆棘而夷榛株於是鳳凰獻歷

太僕駕具蚩尤先驅兩師清路山靈護陣萬神躡御義

和奉響弭節西征翠蓋蔽蕤鸞鳴瓏玲山谷為之澹淡

丘陵為之簸傾於是皇輿網繆遷延容與抗天津於伊

洛夏遙集乎南圃大詔獵者竟逐長驅輕車騶厲羽騎

電驚霧合雲集波流雨注馬跡麋鹿輪輻雉免弓不妄

彎弩不虛舉鳥驚 黃涖 見二 紫陌 王粲獵賦濟漳

挂網獸與矢遇 黃涖 見二 紫陌 王粲獵賦濟漳

並征 四校 二虞 上林賦孫叔奉轡衛公駉乘倚紫

禮儀部 開盤類函卷一百五十九 蒐狩 三

賦乃命有司巡土周巡二虞萊埜九井晉中興書桓

三扈表禽北彌大陸南厲黃濤九井石秀豁第二

子也示以榮爵嬰心惟以弋獵徒甚盛觀者傾坐石秀

冲嘗與石秀共獵登九井山獵賦披高門而方軌邁夷

未嘗屬盼雙川魏文帝校獵賦披高門而方軌邁夷

按列什伍相連峙如叢林動若崩山超崇岸之層崖厲

障濼之雙川列翠星陳戎車方轂風迴雲轉埃連騰屬

雷響振天地諫聲蕩山岳躡封豨藉塵鹿捐飛鳥接

鷲驚聚者成丘陵散者填谿谷流血赫其丹莖羽毛紛

績頌賜有功較獸人禮獸臣虞箴曰獸山虞

澤虞皆掌田有禮詳蒐順時詳蒐獲三狐易

告介麋獵長洲歷上蘭前期出法農隙講武

不逐不獻穀梁詳未蟄不火文子詳宗祧之事

獲傳楚子曰屬有宗祧之事祭禽之禮獵得禽獸以供祭祀獲

而植旌夏官田僕令獻則比禽夏官田僕御貫乃

獲左射中則得穀梁詳獵得王佐文王將獵而飛

非獲非熊非羆非虎獵得善言蒐狩一詳原講一時

之武國語三時務遵三畋之文禮王者一歲三宋

公載燧爰分左右之孟楚子田孟諸宋公為右孟鄭伯

無畏扶其夏官建旗必殊險易之主險野人為主易

馬職增因氣致殺張協七命白商素節月既授衣天

臨金郊增順時取禽蔡邕月令章句季秋之月天子乃

時取禽其禮將軍執晉鼓師率執提田則張幕田

旅率執聲以教坐作進退疾徐之節田則張幕田

則設席禮禦自汧渭經營豐鎬揚天子不合圍

禮儀部禮記卷一百五十九蒐狩

春田不圍澤 刈蘭以為防 置旌以為門前見 荷

垂天之畢 張竟埜之罟 靡日月之朱竿 曳篲星

之飛旗並揚雄賦 逐禽輒十里 馳射常百步 掩長楊

而連五柞 繞黃山而疑牛首 命荊州使起鳥 詔

梁野而驅獸班固 君臣田獵以講武事 王者田獵以

戒不虞 虎落三峻以為司馬 圍徑百里而為殿門

揚雄 建旗於表 置旗於門 講事必在於有儀 鹽

利取觀於不犯 示仁 **原** 禁毒矢 禮禁麇卵與其毒矢射者注謂其失物且

多害心 禁沈澤 禮謂以毒藥沈水中令魚蟲盡死 不殺胎 禮 無探

卵 宣詔曰毋得春夏探卵彈射飛鳥 不殫物 以昭仁 無藥獸 月令三月餽獸

之藥無出 射不剪 謂向已者 取以道 田不天 無麇無卵 董仲

舒曰禮不麇不卵巴西 不網不宿 子 三驅之禮

一面之仁 畋既以時 殺亦中禮 苟不導其生成

則何殊於暴殄 慕天乙之仁且開羅網 卜渭濱

之獵不在熊羆 鑒五子之戒無及於荒 考三驅之

文不專於殺 畋雖中禮不取於蚺蝮 殺亦有仁無

及於麇卵 蒐狩以時合騶虞之神化 胎卵盡取是

竭澤之淫風 **非禮** 射鴻 左傳魏獻公戒孫文子甯

於圍二子怒詳鴻 矢魚 注又曰公矢魚于棠非禮也 身剪 禮

凡有血氣之類 時殺 又曰禽獸不以 魏獻子田 傳

禮儀 淵鑑類函卷一百五十九 蒐狩

魏獻子出其柏樹以其未復君命而卒范

晉厲公田曰又

而後大夫殺注先婦人後飲酒

何殊於暴物禮天子諸侯歲三田

志荒志荒矣好弋曹伯

風淫太康尸位書畋于有洛十旬不返有窮后羿距

長沙削縣漢長沙王德獵縱火燔民九

習於田獵謂之賢浮于原獸並其鹿鹿

心苟發狂敞斯亂政謂不軌不物武功載績雖聞七

月之詩遊田為恒須憚三風之戒長揚觀獵命武

獸長揚宮令人手搏之灞陵夜獵舊時詩刺盧令

自取其獲上親臨觀焉灞陵夜獵舊時詩刺盧令

禽獸而無厭國刺之虛犬名禮稱羅氏致鹿與

女曰好田好女者亡其國也作長楊賦楊子雲作長

戒諸侯也羅氏掌鳥獸者長為校書時人以文德可

也帝獵上廣成頌興武德宜廢遂寢蒐狩之禮息戰陣

之法融以文武之道聖賢虞人之箴戒田樊氏之

不墜故上廣成頌諫之為之自戒也罔遊于逸罔淫于

戒楚莊王好畋樊夫人為之自戒也罔遊于逸罔淫于

無淫于田書周公作無淫于觀于逸王不敢盤于田

東方諫止為上帝令吾丘壽王舉籍謂舉數其籍除

戴陵獲罪魏長水校尉戴陵

蒐狩三

原賦魏應瑒西狩賦曰伊炎漢之建安飛龍耀乎天衢
皇宰奕而陶運樹匡翼而大摹盪無妄之氛穢揚威靈
乎八區開九土之舊迹暨聲教於海隅時霜淒而淹野
寒風肅而川逝草木紛而搖蕩鷺鳥別而高厲既乃揀
吉日練嘉辰清風矢戒屏翳收塵於是魏公乃乘雕輅
駟飛黃擁簫鈺建九旂按轡清途颯沓風翔於是圍網
周合雷鼓天震千乘長羅萬表星陳雙翼抗旌八校組
分長燧電舉高煙蔽雲爾乃徒輿並興方軌連質驚飈
四駭衝禽驚溢騁獸塞野飛鳥蔽日爾乃赴元谷陵崇
巒俯掣奔猴仰捷飛猿雲幕被於廣野京燎照乎平原

禮魚充給洪施普宣

增疏漢司馬相如諫長楊獵疏曰臣聞物有同類而殊
能者故力稱烏獲捷言慶忌勇期賁育臣之愚竊以為
人誠有之獸亦宜然今陛下好陵阻險射猛獸卒然遇
逸材之獸駭不存之地犯屬車之清塵輿不及還轅人
不暇施巧雖有烏獲逢蒙之技不得用枯木朽株盡為
難矣是胡越起於轂下而羌夷接軫也豈不殆哉雖萬
全而無患然本非天子之所宜近也且夫清道而後行
中路而馳猶時有銜檠之變况乎涉豐草騁丘虛前有
利獸之樂而內無存變之意其為害也不難矣夫輕萬

乘之重不以爲安樂出萬有一危之塗以爲娛臣竊爲
陛下不取蓋明者遠見於未萌而知者避危於無形禍
固多藏於隱微而發於人之所忽者也故鄙諺曰家累
千金坐不垂堂此言雖小可以喻大臣願陛下留意幸
察上善之

淵鑑類函卷一百五十九

